

ჰეროი კუპრაშვილი

# ხუთი უკვდავი ქართველი

XIX საუკუნის პირველი ნახევარი

სოლომონ ლიონიძე  
ალექსანდრე ბატონიშვილი  
სოლომონ მელიქ  
სოლომონ დოლარეგი  
არაბაზარის კუნძული

თბილისი  
2012

# ჰენრი გუპრაშვილი

## წეუთა უკვდავი ქართველი

XIX საუკუნის პირველი წაზევრი

ნოლომონ ლიონიძე, ალექსანდრე ჭავჭავაძის, ნოლომონ  
მერი, ნოლომონ ლოლაძის, ჭილადელფის კიბიძე



თბილისი  
2012

XIX საუკუნის პირველ ნახევარში, პირველი “დიდი რუსიანობის” დროს, სამშობლოს თავისუფლებისათვის თავშეწირული გმირები: სოლომონ ლიონიძეს, ალექსანდრე ბატონიშვილი, სოლომონ მეორე, სოლომონ დოდაშვილი და ფილადელფოს კიკნაძე იყვნენ უნიჭიერესი და გამორჩეულად განათლებული ადამიანები, რომლებმაც პირად კეთილდღეობას არჩიეს, ჩაბმულიყვნენ უთანასწორო ბრძოლაში რუსი დამპყრობლების წინააღმდეგ. სამნუხაროდ, მათი ღვანზლი არ არის სათანადოდ დაფასებული... ამ მცირე წიგნის მიზანია კიდევ ერთხელ შეახსენოს საზოგადოებას მათი ფასდაუდებელი ღვანზლი.

**Henri Kuprashvili**  
**FIVE IMMORTAL GEORGIANS**

The first half of 19th century

In the first half of the 19th century, while the first „Didi Rusianoba“ („The Great Russian“), selfless heroes for their motherland's freedom were: Solomon Lionidze, Aleksandre Batonishvili, Solomon the Second, Solomon Dodashvili and Filadelfos Kiknadze. They were the most talanted da educated people, that chose to draw in to the unequal fight agianst Russian conquerors to their perosonal wellbeing. Unfortunately, their merit is not estimated... This little book aims to remind their invaluable merit to the society...

© ჰ. კუპრაშვილი, 2012

გამომცემლობა „ენივლსალი“, 2012

---

თბილისი, 0179, ი. ჭავჭავაძის გამზ. 19, თე: 2 22 36 09, 5(99) 17 22 30  
E-mail: universal@internet.ge

ISBN 978-9941-17-569-5

## ს ა რ ჩ ე ვ ი

შესავალი .....	5
ბრძენებული, რომელიც იმპერიამ ვერ დააჩოქა .....	12
ქართველთა უკანასკნელი გმირი მეფე .....	16
მოუხელთებელი ქართველი უფლისწული, ანუ იმპერიის თავის ტკივილი.....	24
მხოლოდ ხუთიოდე წელი... ....	40
მამულის სიყვარულის მასწავლებელი გმირი ბერი .....	52
ლიტერატურა .....	66

## შესავალი

სოლომონ ლიონიძეს, ალექსანდრე ბატონიშვილს, სოლომონ მეორეს, სოლომონ დოდაშვილსა და ფილადელფოს კიკნაძეს საქართველოს ისტორიისათვის ურთულეს პერიოდში მოუწიათ მოღვაწეობა.

რუსეთის იმპერიამ 1801 წელს დაიპყრო ქართლ-კახეთის სამეფო და დაიწყო ამ ახლშემოერთებულ ტერიტორიაზე მყარად დამკვიდრება და დანარჩენი საქართველოსა და მთლიანად კავკასიის დამორჩილების პროცესი. დაპყრობილი ტერიტორიების ათვისების, ინტენსიური კოლონიზაციისა და რუსიფიკაციის ფართო გეგმების რეალიზაციის იგი ახორციელებდა ძარცვისა და ეროვნული ჩაგვრის განსაკუთრებული ძალისმიერი და უხეში მეთოდებით.

უკანონოდ და ძალით დამყარებული რუსული რეჟიმი ქართველებისთვის უცხო და სრულიად მიუღებელი აღმოჩნდა. ეროვნულ ჩაგვრას, მმართველობის ანტიეროვნულ და უხეშ ხასიათს ქართველი მოსახლეობა ვერ შეეგუა. საქართველოში აჯანყებებს პერმანენტული ხასიათი მიეცა: 1801 წლის შეთქმულება და გამოსვლები, 1802 წლის ამბოხი; 1804 წლის მთიანეთის აჯანყება; 1812-1813 წლებში აჯანყება კახეთსა და მთიანეთში; 1819-1820 წლების აჯანყება იმერეთსა და გურიაში, მღელვარება სამეგრელოსა და აფხაზეთში; 1832 წლის შეთქმულება; აფხაზების აჯანყება რუსების წინააღმდეგ 1821 და 1824 წლებში; გურიის აჯანყება 1841 წელს.

რუსეთის იმპერიის წინააღმდეგ ქართველი ხალხის ბრძოლას განაპირობებდა არა რუსებისადმი სიყვარული ან სიძულვილი, არამედ ის, რომ ქართველი ხალხი სხვის სახელმწიფოში, სხვა ხალხის კანონებითა და სხვის ნება-სურვილზე ცხოვრებას ვერ შეეგუა. ეს გასაგებიცაა, რადგან საქართველოს მხოლოდ სახელმწიფოებრივი დამოუკიდებლობისა და

თავისუფლების პირობებში ექნებოდა შესაძლებლობა მაქსი-  
მალურად გამოეყენებინა ქართველი ერის სულიერი ენერ-  
გია, ინტელექტუალური, ბუნებრივი და პოლიტიკური პო-  
ტენციალი და შეექმნა საკუთარი კულტურული თვითმყოფა-  
დობის შესატყვისი სოციალური ორგანიზაციისა და პოლი-  
ტიკური წყობის შესაბამისი სისტემა. მაშასადამე, დამოუკი-  
დებლობა ეროვნული სტრატეგიული მიზნის მიღწევის აუცი-  
ლებელი და ყველაზე ოპტიმალური საშუალება გახდა, ამი-  
ტომ იქცა მისი მოპოვება უპირველეს ამოცანად. ამ არჩევა-  
ნის სისწორეს ადასტურებს რუსეთთან ურთიერთობის მთე-  
ლი ისტორია. მაგალითად, რუსეთმა თვითნებურად, ცალმ-  
ხრივად დაარღვია საქართველოსთან (ქართულ სახელმწი-  
ფოებრივ წარმონაქმნებთან) დადებული აბსოლუტურად  
ყველა საერთაშორისო ხელშეკრულება (1783 წელს დადე-  
ბული ქართლ-კახეთის სამეფოსთან, 1803 წელს – სამეგრე-  
ლოს სამთავროსთან, 1804 წელს - იმერეთის სამეფოსთან,  
1810 წელს - გურიის, 1810 წელს - აფხაზეთის, 1833 წელს -  
სვანეთის სამთავროებთან, მოგვიანებით, 1920 წლის - სა-  
ქართველოს დემოკრატიულ რესპუბლიკასთან და სხვ.).

მიუხედავად იმისა, რომ საქართველო-რუსეთის ურთი-  
ერთობის ისტორია მრავალი ბრწყინვალე და დადებითი მო-  
მენტითაც არის აღსავსე — საქართველოს ეროვნული გამ-  
თლიანების პროცესი, მიტაცებული ტერიტორიების დაბრუ-  
ნება, მთელი რიგი სამეურნეო, კულტურული თუ აღმშენებ-  
ლობითი მონაპოვარი და სხვ., მაინც ყველაფერი ეს ვერანაი-  
რად ვერ გადაწონის საქართველოს წინაშე რუსეთის  
იმპერიის მიერ ჩადენილი ვერაგობის შედეგებს.

ასე რომ რუსეთთან ჩვენს დაპირისპირებას განაპი-  
რობებს რუსეთის სახელმწიფოს მიერ როგორც პოლიტი-  
კური პარტნიორის მხრიდან, ისტორიულად გამოვლენი-  
ლი არასაიმედოობა და ვერაგობა, მეზობელი ტერიტორი-  
ების დაპყრობით გამომჟღავნებული ავადმყოფური გაუ-

**მაძლრობა, დაპყრობილ ტერიტორიებზე მცირერიცხოვანი ხალხების განადგურება და სხვ.**

მაგალითი უამრავია. ავილოთ ამ **გაუმაძლრობის** ამსახველი ფაქტები: მდინარეების მოსკოვისა და ოკას აუზების ტერიტორიების ათვისების შემდეგ, რუსეთმა უკვე XVI საუკუნეში დაიპყრო: კარელია, კომი, ვოლგისპირეთი, ურალისპირეთი... XVII საუკუნეში — ციმბირი, უკრაინა, ბელორუსია... XVIII საუკუნეში — ბალტიის ქვეყნები, პოლონეთი, მოლდავეთი, ყირიმი, შავი ზღვის მთელი ჩრდილოეთი სანაპირო... XIX საუკუნეში — კავკასია, ცენტრალური აზია... XX საუკუნეში — უკრაინა, აზერბაიჯანი, სომხეთი, საქართველო, ცენტრალური აზიის ქვეყნები... კურილის კუნძულები, კენინგსბერგის ოლქი... XXI საუკუნეში — მოახდინა საქართველოს ორი რეგიონის (აფხაზეთისა და შიდა ქართლის ჩრდილო ნაწილის) ოკუპაცია... რაც შეეხება **მცირერიცხოვანი ხალხების განადგურების ფაქტებს:** მდინარეების ოკასა და მოსკოვის აუზებში მცხოვრები და დღეს გამქრალი ხალხი: მერები, მეშჩერები, მურომები, პეჩორები, ვოდები, ვესები, გოლიადები, აგრეთვე, ჩუდები, კარელები, ციმბირსა და შორეულ აღმოსავლეთში - კერეკები, ნანაელები, ოროჩები, ნგანასანები, სელკუპები, ოროკები, იუგები, კეტები, ულჩები და სხვ., კავკასიაში XIX საუკუნეში მაჰმადიანი ქართველებისა და აფხაზურ-ადილეური ხალხების თურქეთში მუჰაჯირობისათვის მიზანმიმართული ხელშეწყობა, ჩერქეზების, უბიხების (კავკასიაში არც ერთი უბიხი აღარ (ცხოვრობს), აბაზების, ყაბარდოელების, ნოღაელების, ყარაჩაელების... ეთნოწმენდა და გენოციდი, 1944 წელს ჩეჩენ-ინგუშების წინასწარ დაგეგმილი იძულებითი გასახლება და სხვ. ჩვენ თვალწინ მოწყობილი იგივე ჩეჩენი ხალხის სასაკლაო... (რომ არაფერი ვთქვათ სხვა გამოვლინებებზე) [9. 118].

გენოციდის კლასიკური მაგალითია ის, რომ რუსეთის იმპერიის (საბჭოთა იმპერიისაც) ხელისუფლება მცირე ხალ-

ხებს ნინასწარგანზრახვით, ნინასწარ შემუშავებული გეგ-  
მის მიხედვით ანადგურებდა. მაგალითად, რუსეთის იმპერა-  
ტორ ნიკოლოზ I-ის ცნობილი სტრატეგიული დირექტივა,  
რომელიც 1829 წლის 25 სექტემბერს მიწერილ წერილში გე-  
ნერალ პასკევიჩს დაუსახა: “...кончив... одно славное дело,  
предстоит вам другое, в моих глазах столь же славное, а в  
рассуждении прямых польз гораздо важнейшее, – усмирение  
навсегда горских народов или **истребление** непокорных”. [30],

რუსეთის არაცივილიზებული და იმპერიულ-მტაცებ-  
ლური ქმედებები, მის მიერ თვითნებურად და ცალმხრივად  
დარღვეული საერთაშორისო ხელშეკრულებები, იურიდიუ-  
ლი დოკუმენტები, საერთაშორისო სამართლის ძირითად  
პრინციპები და ნორმები, ნაკისრი მრავალმხრივი და ორმხ-  
რივი ვალდებულებები, საქართველოს ძალიან ძვირად და-  
უჯდა, რადგანაც, მან ქართული მრავალსაუკუნოვანი სა-  
ხელმწიფო ობრიობა შეინირა, ანუ მოხდა ის, რაც ვერ შეძლო  
ვერც ერთმა სხვა დამპყრობელმა (რომაელები, ბიზანტიე-  
ლები, სპარსელები, არაბები, თურქ-სელჩუკები, მონღოლე-  
ბი, თურქები, ირანელები). ”დიდი რუსიანობა”<sup>1</sup> გამოირჩა,  
როგორც საქართველოსთვის ყველაზე დიდი უბედურების  
მომტანი. როდესაც მავანი საქართველო-რუსეთის ურთიერ-  
თობებში განსაკუთრებულ ყურადღებას მხოლოდ დადებით  
შედეგებზე ამახვილებს, არ უნდა დაავიწყდეს, რომ ასეთი  
აუნაზღაურებელი დანაკარგის (ქართული სახელმწიფოს  
მოსპობა, მისი მსოფლიოს პოლიტიკური რუკიდან წაშა-  
ლა) კომპენსირება რუსეთის მხრიდან რაიმე სიკეთის ქმ-

<sup>1</sup> პირველი “დიდი რუსიანობა” მოიცავს 1801-1917 წ.წ., მეორე “დი-  
დი რუსიანობა” – 1921-1991 წ.წ., აგრეთვე, შეიძლება დაემატოს  
მესამე “დიდი რუსიანობაც”, რომლის დასაწყისად უნდა ჩაითვა-  
ლოს ის პერიოდი, როდესაც აფხაზეთისა და ცხინვალის რეგიონებ-  
ში განლაგდა “სამშვიდობოების” საფარქვეშ რუსეთის ფაქტობ-  
რივად საოკუპაციო ჯარები ან უნდა ვიგულისხმოთ 2008 წელი.

**ნით (რა შინაარსისა და მასშტაბისაც უნდა იყოს იგი) შე-უძლებელია. ამიტომაა, რომ დღესაც რუსეთ-საქართველოს დაპირისპირებაში სიმართლე არის უდავოდ ჩვენს მხარეს.**

ამავე დროს, როდესაც საქართველოში, XIX საუკუნის პირველი ნახევრის შეიარაღებულ აჯანყებებსა და გამოსვლებზე, დამოუკიდებლობისათვის ბრძოლის ხასიათსა და მამოძრავებელ ძალებზეა ლაპარაკი, უნდა ხაზგასმით აღნიშნოს, რომ მიუხედავად რუსეთის მიერ ჩადენილ დანაშაულობებისა და თვითნებობისა, ქართველი საზოგადოების ნარმომადგენლები, საქართველოს ეროვნულ განმათავისუფლებელი მოძრაობის მესვეურნი ხელში იარაღის აღებამდე ცდილობდნენ, სამართლებრივ ენაზე ესაუბრათ რუსეთის ხელისუფლებასთან, მოითხოვდნენ, შეესრულებინა რუსეთს საერთაშორისო ხელშეკრულებით აღებული ვალდებულებები. მაგრამ, როდესაც რწმუნდებოდნენ, რომ ოკუპანტებთან სამართლის ენაზე ლაპარაკს აზრი არ ჰქონდა, მხოლოდ ამის შემდეგ მიმართავდნენ ძალისმიერ მეთოდებს. ამას მოწმობს შემორჩენილი უამრავი დოკუმენტური მასალა.

XIX საუკუნის პირველ ნახევარში ეროვნულ-განმათავისუფლებელი ბრძოლის მამოძრავებელ ძალებში ძირითადად ორი ფრთა გამოიყოფა:

**პირველი, ე.წ. ტრაქტატისტები** (საერთაშორისო სამართლის დარღვევის მოწინააღმდეგებები). იგი მოიცავს რუსეთის მიერ 1783 წლის ხელშეკრულების დარღვევითა და საქართველოს დაპყრობით უკმაყოფილო ქართველი საზოგადოების მნიშვნელოვან ნაწილს: თავადაზნაურობის, გლეხობისა და ქალაქის მოსახლეობის გარკვეულ ნაწილს. მათი მიზანია ქართული სახელმწიფოებრიობის აღდგენა და რუსეთთან ურთიერთობა ე.წ. გეორგიევსკის ტრაქტატის, ანუ ამ საერთაშორისო სამართლის დოკუმენტის საფუძველზე.

**მეორე - შეურიგებელი რადიკალები.** რუსეთის მოწინააღმდეგეთა ამ ფრთას შეადგენდა სოლომონ ლიონიძე,

ალექსანდრე ბატონიშვილი და მისი თანამგრძნობნი, აგრეთვე, იულონ, ფარნაოზ, ოქროპირ გიორგის ძე, დიმიტრი იულონის ძე და თამარ იულონის ასული ბატონიშვილები, ელიზბარ ერისთავი, ალექსანდრე ორბელიანი, იმერეთის მეფე სოლომონ მეორე და მისი მომხრეები, ქვეყნიდან იძულებით გაქცეული თავადაზნაურები, მათ შორის იყო რამდენიმე ტალღა, მაგალითად, 1800 წლის ივნისში ალექსანდრე ბატონიშვილთან ერთად წასული თავად-აზნაურობა, 1802 წელს მათ დაემატა იოსებ ანდრონიკაშვილი 40 თავადთან ერთად, 1803 წელს ირანში გაქცეულ თეიმურაზ ბატონიშვილსაც გაჰყვნენ თავად-აზნაურები და სხვ. ამ ფრთაში უნდა მოვიაზროთ ქვეყნის შიგნით ხელსაყრელი მომენტის მომლოდინეობობიც იმპერიუმის მიერთოდა. მათი საერთო დევიზია "სადაც თავისუფლება არ არის, იქ უკვე სიცოცხლე არ არის" [3. გვ. 222].

მეორე ფრთის წარმომადგენლები რუსეთის პოლიტიკას უნდობლობას უცხადებენ და ფიქრობდნენ, რომ საქართველოს დამოუკიდებლობის ალდგენისათვის ბრძოლის ყოველგვარი საშუალება გამოდგებოდა. ის, რომ ამ მიზნის მიღწევაში ცდილობდნენ გამოეყენებინათ ირანისა და თურქეთის მხარდაჭერა, არ ნიშნავდა იმას, რომ საქართველოს სახელმწიფოს აღდგენას მათ საფარქვეშ აპირებდნენ. ამ თვალსაზრისით, ყურადსალებია გენერალ კურნატოვსკის ერთი გადმოცემა: ახალციხის ფაშა იმ პერიოდში რუსეთის წინააღმდეგ მებრძოლ ქართველ პატრიოტებს ახასიათებდა, როგორც ცბიერ და ვერაგ ადამიანებს, რომლებსაც "ახლა არ სურთ რუსეთის მორჩილება და თურქებს ერთგულებას აღუთქვამენ, მაგრამ შემდეგ ძალ-ღონეს არ დაზოგავენ, რომ ისინიც თავიდან მოიცილონ" [24, გვ. 568].

XIX საუკუნის პირველ ნახევარში საერთო მტრის წინააღმდეგ ბრძოლაში ტრაქტატისტები და შეურიგებელი რადიკალები ადვილად პოულობდნენ საერთო ენას, ორივე დაპირისპირებული იყო ხელისუფლების ერთგულთა დასის წარ-

**მომადგენლებთან - მერუსეთეებთან (რუსეთუმეებთან).** მა-გალითად, 1806 წელს სათავადაზნაურო წინამძღვალის ასარ-ჩევად თბილისში შეიკრიბა ქართლ-კახეთის წარჩინებული წოდების წარმომადგენლები. რუსული საოკუპაციო რეჟიმით უკმაყოფილო თავადების ჯგუფს საიდუმლო თათბირი მო-უწყვია, რომელიც, ცხადია, რომ რუსეთის პოლიტიკის ერ-თგულ მომხრე თავადებისგან განცალკევებით მიმდინარე-ობდა. როდესაც მათ ეს შეუტყვიათ სასტიკად განაწყენებუ-ლან და საქმე იქამდე მისულა, რომ შეხლა-შემოხლა კინალამ სისხლისლვრაში გადაზრდილა. როგორც ივანე ჯავახიშვილი წერდა: "მართალია, ეს პარტია (რუსეთუმეების – ჰ. კ.) არ იყო მრავალრიცხვანი, მაგრამ საშიში იყო პირველი ორის-თვის რუსული ჯარის ყოფნის გამო" [28].

საქართველოში ეროვნულ-განმათავისუფლებელი იდე-ები ასე თუ ისე XIX საუკუნის პირველი ნახევრის თითქმის ყველა პროგრესული მოღვანისა და მოაზროვნის შემოქმე-დებაში გვხვდება. საქართველოს ეროვნულ-განმათავისუფ-ლებელი იდეოლოგისა და მოძრაობის სათავეებთან დაგანან და გამორჩეული ადგილი უჭირავთ სოლომონ ლიონიძეს, ალექსანდრე ბატონიშვილს (ალექსანდრე ერეკლეს ძე ბაგ-რატიონს), სოლომონ მეორეს, სოლომონ დოდაშვილსა და ფილადელფოს კიკნაძეს. სწორედ მათ უკვდავ სახელებთან არის მეტ-ნაკლებად დაკავშირებული ეროვნულ-განმათავი-სუფლებელი მოძრაობის იდეოლოგის ჩამოყალიბება XIX სა-უკუნის პირველ ნახევარში.

ამ ადამიანების მოღვაწეობამ და პოლიტიკურმა იდეებ-მა წარუშლელი კვალი დატოვა და უდიდესი გავლენა იქონია შემდგომი თაობების ეროვნულ-განმათავისუფლებელი სუ-ლისკვეთებით ჩამოყალიბებაში.

## პრემიერი, რომელიც იმპერიამ ვერ დააჩოქა

სოლომონ ლიონიძე (1754-1811) — ქართველი პოლიტიკური მოღვაწე, დიპლომატი, ანალიტიკოსი, შესანიშნავი ორგანიზაციორი, მჭევრმეტყველი, რუსეთის აგრძესული პოლიტიკის წინააღმდეგ დაუღალავი მებრძოლი, საქართველოს დამოუკიდებლობის თანმიმდევრული დამცველი. ს. ლიონიძე „იყო კაცი წინად მგრძნობელი, მომავლის ნათლად გამრკვევი და დამნახავი, მომავლის ცხოვრების რუკათა მხატვარი“.

ს. ლიონიძე დაბალი წოდებიდან იყო გამოსული. იგი გაიზარდა თელავში, განათლებაც იქვე მიიღო, კარგად ფლობდა სპარსულ, თურქულ, სომხურ და რუსულ ენებს. კარგად იცნობდა საბერძნეთ-რომის ისტორიას, ლიტერატურას, ფილოსოფოსთა შრომებს, იყო თავის დროისათვის უაღრესად ერუდირებული..

სოლომონ ლიონიძე განახლებისა და მოწინავე პოლიტიკურ-კულტურული იდეების მატარებელი დასის აქტიური წევრია, რომლის შემადგენლობაში მასთან ერთად შედიოდნენ გაიოზ რექტორი, დავით რექტორი და სხვები. ს. ლიონიძეს თავი გამოუჩენია არა მარტო განათლებისადმი წყურვილით, არამედ მხედრული ნიჭითაც. 1779 წელს



ერევნის ომში გამოჩენილი გმირობისათვის მას მეფისაგან მიუღია თავადის ტიტული, პატივის სიგელი და “ლერბი ვაჟ-კაცობისა — ლერკულეს აღჭურვილი ლახტითა და შემოხვეული ლომის ტყავითა და სათავადოთა გვირგვინითა”.

ს. ლიონიძის უშუალო მონაწილეობით მომზადდა, გაფორმდა და ძალაში შევიდა 1783 წლის ხელშეკრულება საქართველოსა და რუსეთს შორის. იგი ხელშეკრულების დადებიდან მალევე რწმუნდება რუსების არასაიმედოობაში. პრორუსული ორიენტაციისადმი იმედის გაცრუების შემდეგ სოლომონ ლიონიძე ანტირუსულ დასთან (სარდალ-სახლთუ-ხუცესი დავით ორბელიანი და სხვ.) ერთად უკვე რუსეთთან კავშირის წინააღმდეგი გამოდის.

ს. ლიონიძის ინიციატივით გაფორმდა ”ტრაქტატი ივე-რიელთა მეფეთა და მთავართაგან დამტკიცებული ქართლი-სა, კახეთისა, იმერთა, ოდიშისა და გურიისა, აღწერილი სამეფოსა ქალაქსა თფილისს”. ტრაქტატის შექმნის მიზანი იყო საქართველოს დაქსაქსული სამეფო-სამთავროების შეკავშირება-შეერთება, ის უნდა გამხდარიყო მნიშვნელოვანი ნაბიჯი საქართველოს გაერთიანებისკენ.

იგი მთელი ცხოვრება დაუღალავად იღვწოდა დამოუკიდებელი, ერთიანი და ძლიერი საქართველოსათვის, მას ამ იდეისთვის ბოლომდე არ უღალატია და საკუთარი საოჯახო ინტერესებიც კი ანაცვალა. ზ. ჭიჭინაძის თქმით, სოლომონი შემდეგშიც თავდაუზოგავად ცდილობდა სამეფო-სამთავროთა მთლიანობის აღდგენას, მაგრამ უშედეგოდ – ”მეცა-დინებდა შინაკავშირითა გაეუქმებინა გარეკავშირი”, რადგან ”ერი დაცული გარეთითა უცხოთა ნათესავთაგან მფარველობითა, არის მარადის დამდაბლებული”.

ერეკლე მეორის გარდაცვალების (1798) შემდეგაც არ შეუწყვეტია ს. ლიონიძეს აქტიური მონაწილეობა ქართლ-კახეთის სახელმწიფო საქმეებსა და პოლიტიკური ცხოვრებაში.

იგი თითქმის ოცი წელი — 1801 წლამდე იყო ქართლ-კახეთის სამეფო კარის მსაჯული — მდივანბეგი (ვიცე-კანცლერი).

მანიფესტის გამოქვეყნებამ სოლომონი სასტიკად აღაშ-ფოთა, რასაც რუს სარდლობასთან მისი კონფლიქტი მოჰყვა. გიორგი XII-ის გარდაცვალებისთანავე გენერალმა ლაზარევმა შეკრიბა თავადები და მათ იმპერატორის სურვილი გააცნო. მისი სიტყვები თრაზროვანი იყო - არაფერს ამბობდა საქართველოს მეფის უფლებებზე, თუმცა ხაზგასმული იყო რუსეთის იმპერატორის უზენაესი უფლება ქართლ-კახეთის მომავლის გადაწყვეტის საქმეში. ს. ლიონიძეს ლაზარევის ეს ცინიკური გამოსვლა იმით შეუწყვეტინებია, რომ ამ შეკრებაზე ხმამაღლა განუცხადებია - გენერალი მეფე დავითს (დავით ბატონიშვილს) მეფობას ულოცავსო. გენერალი განრისხებულა და ს. ლიონიძე დააპატიმრეს, მაგრამ მან მოახერხა გათავისუფლება დავითის შუამდგომლობის საფუძველზე და იმერთის სამეფოს შეაფარა თავი.

1802 წლიდან ს. ლიონიძე იმერეთის მეფის სოლომონ II-ის კარზე აგრძელებს დიპლომატიურ მოღვაწეობას. სოლომონ მეფე არაფერს წყვეტდა ლიონიძესთან თათბირის გარეშე. 1803 წელს იმერეთის მეფე მას დიპლომატიური მისით მიავლენს ალექსანდრე პირველთან.

პეტერბურგიდან დაბრუნების შემდეგ იგი გვერდიდან არ მოსცილებია სოლომონ მეორეს რუსეთის იმპერიის წინააღმდეგ ომში. მას დიდი გავლენა ჰქონდა იმერეთის მეფეზე, უაღრესად ავტორიტეტულ და გამოცდილ დიპლომატად თვლიდნენ სოლომონ ლიონიძეს თვით რუსი მოხელეებიც. ამიტომაც იყო, რომ რუსი მთავარსარდლიდან დაწყებული, სამხედრო და სამოქალაქო მოხელეები ცდილობდნენ (დაბეზღებით, ცილისწამებით, მოქრთამვით) მეფისათვის, როგორმე ჩამოცილებინათ უაღრესად ნიჭიერი და შორსმჭვრეტელი დიპლომატი, რომელიც ზუსტად ერკვეოდა როგორც საერთაშორისო, ასევე საშინაო ასპარეზზე შექ-

მნილ სიტუაციაში. რუსული სპეცსამსახურები ბევრს ეცადნენ ჩამოეგდოთ განხეთქილება მათ შორის ან მოესყიდათ სოლომონ ლიონიძე ფულითა და დიდალი საჩუქრებით, მაგრამ უშედეგოდ [14, გვ. 393]. ცნობილია ის ფაქტიც, რომ რუსეთის სახელმწიფო კანცლერი სწერდა გენერალ პავლე ციციანოვს პეტერბურგიდან, რომ სოლომონ ლიონიძე თბილისში დაეკავებინათ და არ გაეშვათ მანამ, სანამ იმერეთის დაპყრობა არ დასრულდებოდა.

რუსეთის იმპერიასთან უთანასწორო ომში იმერეთის სამეფოს დამარცხების შემდეგ, ს. ლიონიძე 1810 წელს ახალ-ციხეში გაჰყვა ქართველთა უკანასკნელ მეფეს, სადაც 1811 წ. დასრულდა მისი ტრაგიკული და დრამატიზმით აღსავსე ცხოვრება. სოლომონ ლიონიძეს, ისევე როგორც მეფე სოლომონ მეორეს, თავისუფლება და დამოუკიდებლობა არა-სოდეს დაუთმია, რუს დამპყრობელთა მონურ სამსახურს მან ბრძოლის ველზე დამარცხება ამჯობინა.

## ქართველთა უკანასკნელი გმირი მაჟე

”სკვითთ ნაგვართვეს მთლად ქვეყანა, არც კი მოგვცეს კაცი ერთი;  
ქართლ-კახეთსა არ დაპსჯერდნენ, ზედ დაიძვეს იმერეთი...”  
იოანე ბატონიშვილი

ქართლ-კახეთის სამეფოს გაუქმება მხოლოდ შესავალი იყო საქართველოს ტრაგედიის დასაწყისისა. რუსეთის ხელი-სუფლებას მთელი საქართველოს დაპყრობა ჰქონდა განზრახული. სტრატეგიული თბილისის ხელში ჩაგდებისა და აქ დასაყრდენი ბაზის გაჩენის შემდეგ, რუსეთმა თანმიმდევრულად დაიწყო დანარჩენი სახელმწიფობრივი ერთეულების მოსპობა. უკვე 1802 წელს საქართველოს მთავარსარდალსა და ასტრახანის გენერალ-გუბერნატორს, გენერალ პავლე ციციანოვს (1754-1806) დაევალა ყველა ღონე ეხმარა დანარჩენი საქართველოს სამეფო-სამთავროების რუსეთთან მიერთებისათვის. გრაფი თ. როსტოპჩინი პ. ციციანოვს სწერდა: «შენ თუ წარმატებას მიაღწევ... იმერეთის შემოყვანაში, ამით არსებით და მნიშვნელოვან სარგებლობას მოუტან... რუსეთს, ეს გზა შეიძლება უფრო საიმედოც კი იქნეს, ვიდრე თავრიდაზე (ყირიმზე) გაკვალული გზა ცარგრადისაკენ» (კონსტანტინოპოლისაკენ –ჰ.ჳ.) [21].

ქართველთა უკანასკნელი სამეფოს ხელმწიფე სოლომონ II (1772-1815), იგივე დავით არჩილის ძე ბაგრატიონი, იყო სოლომონ I-ის ძმისნული და ერეკლე II-ის შვილიშვილი ქალიშვილის ხაზით. უძეოდ დარჩენილმა სოლომონ I-მა, ერეკლე II-სთან შეთანხმებით, ჯერ კიდევ არასრულწლოვანი არჩილი თავის მემკვიდრედ დაასახელა. ტახტის მოცილისა და მის მომხრეთა დამარცხების შემდეგ დავით არჩილის ძემ ტახტზე ასვლისას თავისი სახელოვანი ბიძის, სოლომონის

სახელი დაირქვა და ამით მის მიერ დაწყებული საქმეებისადმი ერთგულება გამოხატა.

სოლომონ II-ის ქართული ინტერესებისადმი ერთგულების დასტურია მის მიერ გაკეთებული არჩევანი. პირველად, როდესაც თბილისში ერეკლეს კარზე გაიმართა დარბაზის სხდომა, რომელზედაც იხილებოდა იმერეთის სამეფოსა და ქართლ-კახეთის გაერთიანების საკითხი, რომელიც ერეკლე II-ის საბოლოო გადაწყვეტილებით, ნაადრევად იქნა მიჩნეული. მეორედ, როდესაც საქართველოს სამეფო-სამთავროებს შორის სამხედრო-პოლიტიკური შინაარსის ხელშეკრულება გაფორმდა. ინიციატორი ამგვარი დოკუმენტის შექმნისა იყო სოლომონ ლიონიძე. დოკუმენტის ხელმომწერნი აღიარებდნენ ერეკლე II-ის უპირატეს როლს ამ თავისებურ გაერთიანებაში [34]. ორივე შემთხვევაში არჩევანი სოლომონ მეორემ ქართველთა ერთიანობის, ქართველთა საერთო ინტერესების სასარგებლოდ გააკეთა, ისევე როგორც ძვ. წელთაღრიცხვის III საუკუნეში მოიმოქმედა ქუჯი ერისთავმა, როდესაც პირველობაზე უარი თქვა და აღიარა ფარნავაზის უზენაესობა.

XVIII-XIX სს მიჯნაზე იმერეთი საქართველოს სამეფო-სამთავროთა შორის ყველაზე ძლიერ სახელმწიფოებრივ ერთეულს წარმოადგენდა [1, გვ. 41]. რუსეთის მიერ საერთაშორისო ხელშეკრულების ვერაგულად დარღვევამ და ქართლ-კახეთის სამეფოს ანექსიამ იმერეთის მეფე სოლომონ II აღაშფოთა. იგი დაუინებით ცდილობდა მიეღწია ქართლ-კახეთის სამეფოს აღდგენისათვის, არაერთხელ მიმართა რუსეთის იმპერატორს იულიან ერეკლეს ძის (1760-1816) ქართლ-კახეთის მეფედ დამტკიცების შესახებ. მაგალითად, 1801 წლის ივლისში იმერეთის მეფის დესპანებმა სოლომონ ლიონიძემ და როსტომ ნიუარაძემ აცნობეს რუსებს, რომ სოლომონ II მზადაა შევიდეს რუსეთის მფარველობაში, იმ პირობით, თუ ქართლ-კახეთის მეფედ იულიანი იქნებოდა დამტკი-

ცებული. მეფე კარგად ხედავდა, რომ კავკასიის ქედს გადმობიჯებული რუსეთი მიღწეულს არ დასჯერდებოდა, მან პლაცდარმი შეიქმნა მთელი ამიერკავკასიის დასაპყრობად.

ასეთ სიტუაციაში დამლუპველი იყო ქართული სამეფო-სამთავროების დაქსაქსულობა და ურთიერთდაპირისპირება, რადგან რუსეთი ყოველ მათგანს სათითაოდ უდებდა ბოლოს. საჭირო იყო გაერთიანებული ძალებით დახვედროდნენ მოახლოებულ საფრთხეს. სოლომონ II ცდილობდა რუსეთთან ურთიერთობაში მთელი დასავლეთ საქართველოს სახელით გამოსულიყო... ქართული სამთავროები შემოემტკიცებინა, სამეფო გაეძლირებინა, საზღვრები განემტკიცებინა. გურიის მთავარი კი აღიარებდა მის უზენაესობას, მაგრამ სამეგრელოს მთავარი დიდ წინააღმდეგობას უწევდა.

რუსეთის მთავრობამ 1803 წლის დეკემბერში სამფარველო ხელშეკრულება დაუდო სამეგრელოს მთავარს გრიგოლ დადიანს, რითაც იგი იმერეთის სამეფოს წინააღმდეგ წააქეზა. რუსეთი ყველა ხერხს მიმართავდა, რათა აღეკვეთა დასავლეთ საქართველოს გაერთიანების ტენდენცია. იგი ცდილობდა მთარველობის “სატყუარა” სოლომონ მეფისათვის თავს მოეხვია, მაგრამ რაკი იმერეთის მეფეს აღარ სჯეროდა რუსების, ცდილობდა თავი აერიდებინა. “ტკბილი სიტ-



უკანასკნელი ქართველი მეფე - სოლომონ II

ყვებით” რომ ვერ დაიყოლიეს სოლომონ მეფე, მთავარმართებელი სხვა გზას დაადგა. მან მეფის კარისკაცების, საერო და სასულიერო პირების მოქრთამვა დაიწყო, ამავე დროს სამხედრო ძალის გამოყენების მუქარასაც არ მოერიდა. იმერეთის მეფე ხედავდა, რომ “ძალა აღმართს ხნავდა”, ამიტომ “ძალით ჩათრევას ჩაყოლა ამჯობინა” და შეეცადა საშინაო დამოუკიდებლობა მაინც მიეღო. მაგრამ რუსეთი მისგან მხოლოდ უსიტყვო მორჩილებას მოითხოვდა.

რადგან მან ქართლ-კახეთის სამეფოს მაგალითიდან კარგად იცოდა, რომ რუსეთისათვის საერთაშორისო ხელშეკრულების დარღვევა დიდ სიძნელეს არ წარმოადგენდა, ცდილობდა, იმერეთ-რუსეთის ხელშეკრულების შესახებ რაც შეიძლებოდა მეტ სახელმწიფოს გაეგო, რაც შეიძლებოდა მეტი მოწმე ჰყოლოდა, მისთვის საერთაშორისო რეზონანსი მიეცა.

“სოლომონ მეფე დიდი მოხერხებით ცდილობდა დაეცვა თავისი სამეფო საშიშროებისაგან, რომელიც მას კარზე მოსდგომოდა. მეფის პირველი სათხოვარი იყო, რათა რუსეთის ხელმწიფეს ყველა ქვეყნისთვის ეცნობებინა იმერეთის მეფის და მისი ქვეყნის თავის სამფლობელოში მიღება. ”ამ ხერხით სოლომონი, თითქოს და სიხარულით ცას ნაწევი, ვითომ მსოფლიოს იმერეთის გაბედნიერებას ატყობინებდა, ნამდვილად კი ამით ის თავის წამხდარი საქმის შველას აპირებდა. სხვა ქვეყნებს, მსოფლიო პოლიტიკურ აზრს, რომელსაც რუსეთის მთავრობა ოფიციალურად დიდ ანგარიშს უწევდა, იმერეთის მეფე მოწმედ იხმობდა სხვა ქვეყნების მთავრობებს რუსეთთან ურთიერთობაში, რომელიც პირმტკიცეობას იჩემებდა, მაგრამ მისი ნდობის საფუძველი იმერეთის მეფეს არ ჰქონდა”.

1804 წელს საქართველოს მთავარსარდალი გენერალი პავლე ციციანოვი (1754-1806) ჯარით შეიჭრა იმერეთში და სოლომონ II აიძულა, რუსეთის იმპერიის ქვეშევრდომობა მი-

ელო [7, გვ. 34-35]. სოლომონ II იძულებულით თანხმდება ცი-ციანოვის მიერ ნაკარნახევ სამფარველო პირობებს. 1804 წლის 25 აპრილს დადებული ელაზნაურის ტრაქტატის სა-ფუძველზე სოლომონ II ყველაფერში უნდა დამორჩილებოდა რუსეთის ხელმწიფეს და მთავარმართებელს. ამ ტრაქტატის მიხედვით რუსეთის მფარველობა ვრცელდებოდა გურიის სამთავროზეც. იმერეთის სამეფოში მუდმივად უნდა მდგა-რიყო რუსეთის ჯარის ნაწილები.

რუს გენერლებს ტრაქტატი არაფრად მიაჩნდათ და და-იწყეს სოლომონ II-ის საქმეებში უხეშად ჩარევა. სოლომონ მეფისათვის ცხადი ხდებოდა, რომ რუსეთი ტრაქტაქტის პი-რობების შესრულებას არ აპირებდა და განზრახული ჰქონ-და იმერეთის სამეფოს გაუქმება. თანდათან უფრო გამწვავ-და იმერეთის მეფის ურთიერთობა რუსეთის ხელისუფლე-ბასთან. 1810 წელს რუსებმა მოტყუებით შეძლეს მეფის დატ-ყვევება. 28 მარტს იგი ვითომ მოსალაპარაკებლად, ვარიანში ტორმასოვს შეხვდა, სადაც სოლომონი დააპატიმრეს და თბილისში გაგზავნეს. აქედან კი პეტერბურგში უპირებდნენ გადაგზავნას. 11 მაისს ერთგული მსახურის ტანსაცმელში გადაცმულმა მეფემ ტყვეობას თავი დააღწია. იქვე დატოვა წმინდა ალექსანდრე ნეველის ორდენი, რომელიც რუსე-თისაგან 1804 წელს მიიღო. გაპარვისას მას თან ახლდნენ ქაიხოსრო, როსტომ და სიმონ წერეთლები, გრიგოლ და დავით ერისთავები, ბერი ლორთქითანიძე, აზნაური გაბა-შვილი და სხვები – სულ 25 კაცამდე. მან გეზი ახალციხისკენ აიღო, სადაც მას სოლომონ ლიონიძე და მალხაზ ანდრო-ნიკაშვილი ელოდნენ. სოლომონ მეფე ახალციხიდან შეუდგა აჯანყების ორგანიზებას.

რუსეთის ხელისუფლების მხრიდან ხელშეკრულების დარღვევის და რუსული მმართველობის ძალით დანერგვის ცდების შედეგად, იმერეთის სამეფოში 1810 წლის მაისში რუსეთის წინააღმდეგ დაიწყო საომარი მოქმედებები, რო-

მელსაც სათავეში სოლომონ II ჩაუდგა. იმერეთის მოსახლეობა უკანასკნელი ქართული სახელმწიფოს გადარჩენისათვის საბრძოლველად დაირაზმა, ამ პატარა სახელმწიფოდან მეფის დროშის ქვეშ 10 ათასზე მეტი მებრძოლი გაერთიანდა. თავდაპირველად იმერლებმა დიდ წარმატებებს მიაღწიეს, შექმნილ კრიტიკულ სიტუაციაში, რუსეთი პრობლემის გადასაჭრელად გამოსავლის ძიებაში საქართველოს მთავარმართებელი ალექსანდრ ტორმასოვი (1809–1811) იმერეთში რუსების ჯარის მეთაურსა და იმერეთის დროებით მმართველად დანიშნულ თეოდორე სიმონოვიჩს (1810–1815) ავალებს მოისყიდონ მკვლელი და როგორმე თავიდან მოიცილონ სოლომონ მეფე, რომელსაც ხალხის დიდი მხარდაჭერა ჰქონდა. მიუხედავად რუსეთის ხელისუფლების მხრიდან დიდძალი თანხის გამოყოფისა, რუსეთის გამოცდილმა სპეცსამსახურებმა ვერ მოახერხეს განზრახვის სისრულეში მოყვანა.

თითქმის ოთხი თვე მიმდინარეობდა იმერეთის სამეფოში რუსეთის იმპერიის წინააღმდეგ სისხლისმღვრელი ომი. ქართველები მედგრად ებრძოდნენ მომხდურ მტერს. ბევრი ქართული სოფელი მთლიანად განადგურდა. რუსეთმა კი დამატებით რეგულარულ სამხედრო ძალები გაგზავნა იმერეთის სახელმწიფოს წინააღმდეგ საბრძოლველად. რუსეთის იმპერიასთან უთანასწორო ომში იმერეთის სამეფო დამარცხდა. სოლომონ მეფე ახალციხეში გადავიდა.

მეფე იმედებს საერთაშორისო ვითარების რუსეთისათვის საზიანოდ შეცვლაზე ამყარებდა. იგი ხედავდა, რომ ძალთა თანაფარდობა რუსეთის მრავალრიცხოვანი რეგულარული ჯარების სასარგებლოდ იყო, ამიტომ იგი მოლაპარაკებას აწარმოებდა სპარსეთთან და თურქეთთან, ცდილობდა დახმარება მიეღო საფრანგეთიდანაც, რათა მათი ბრძოლაში ჩართვით რუსეთი აეძულებინა დათმობებზე წასულიყო.

1811 წლის 6 იანვარს მან წერილი გაუგზავნა ნაპოლეონ ბონაპარტს (1769–1821), რომელშიც იგი მას წერდა: "მრა-

ვალგზის წარმოვაგზავნეთ არზა დამჭირნეობისა ჩვენისა, უდიდებულესობისა თქვენისადმი და ერთსაცა პასუხსა ვერ ღირს ვიქმენით”. სოლომონ მეფე აცნობებდა ნაპოლეონს, რომ ტახტი უკვე წაართვეს, თხოვდა დახმარებას და სანაცვლოდ სთავაზობდა მის მფარველობაში შესვლას. იგი საფრანგეთის იმპერატორისგან პასუხს მაინც ვერ ეღირსა. იმ დროს ნაპოლეონს საქართველოსთვის არ ეცალა - რუსეთზე შეტევისთვის ემზადებოდა [18].

სოლომონს მეფეს<sup>2</sup> კარგა ხანს არ შეუწყვეტია დამპყრობლების წინააღმდეგ აჯანყების მოწყობისა და იმერეთის განთავისუფლების მცდელობა. მაგრამ ყველაფერი დამთავრადა მას შემდეგ, რაც რუსეთმა საზავო ხელშეკრულებები გააფორმა თურქეთთან (1812 წ.) და სპარსეთთან (1813 წ.), რომელთა ძალითაც უმეტესი ქართული მიწებისა რუსეთის ნაწილად იქნა ცნობილი.

რუსეთმა კიდევ ერთი დაპყრობილ ქართულ ტერიტორიაზე საკუთარი მმართველობა დაამყარა. რაკი ამ უკანასკნელი ქართული სამეფოს დაპყრობაში სამეგრელოსა და გურიის მთავრებიც აქტიურად ეხმარებოდნენ, ამიტომ დროებით გადადო ამ სამთავროების გაუქმება და გადაწყვიტა ცოტახნით გაეხანგრძლივებინა იქ მთავართა შეზღუდული ხელისუფლება. გურიის სამთავროსთან დამოუკიდებლადაც კი

<sup>2</sup> ზოგიერთ ავტორს სოლომონ II-ის მეფობის წლები მოქცეული აქვს 1789 წლიდან 1810 წლამდე პერიოდში, ანუ რუსეთის მიერ იმერეთის სამეფოს დაპყრობამდე და სოლომონის თურქეთში ემიგრაციამდე (მაგალითად, იხ., სურგულაძემ მ./სოლომონ II 1772-1815 წწ.//ქართველი ისტორიული მოღვაწენი <http://qim.ge/solomon-%20II.html>). რაც არ არის სწორი. თუ დამპყრობელი აღარ ცნობდა მას მეფედ, ჩვენ, ქართველებმაც უნდა ვაღიაროთ დამპყრობლის ძალადობის შედეგი და სურვილი? მას ხომ ტახტი საკუთარი ნებით არ მიუტოვებია და სამეფო გვირგვინზე ოფიციალურად ხომ არ უთქვამს უარი? მაგალითად, 1811 წელს იგი ნაპოლეონ ბონაპარტესადმი გაგზავნილ წერილს ხელს აწერს იმერეთის მეფის რანგში.

გააფორმა ხელშეკრულება (1810 წ.). იმავე წელს სამფარველო ხელშეკრულება აფხაზეთის მთავართანაც გააფორმეს, მოგვიანებით კი (1833 წ.) სვანეთის მთავარ დადეშქელიანთანაც დადეს ანალოგიური ხელშეკრულება.

დასაწყისში მთავართა ხელისუფლების არსებობას და-სავლეთ საქართველოში რუსეთი იმიტომ ურიგდებოდა, რომ საკმაო სამხედრო ძალა აქ მას ჯერ კიდევ არ გააჩნდა. თანაც, თვალსაჩინო მაგალითი სახეზე ჰქონდა, ირან-ოსმალე-თთან საომარ მდგომარეობაში მყოფმა, მან იმერეთის სამეფოს დაპყრობა სამეგრელოსა და გურიის მთავართა არსები-თი დახმარების გარეშე ვერ შეძლო. თანაც ამ მშოოთვარე რეგიონის მორჩილებაში ყოლას აადვილებდა მთავრების ერ-თმანეთთან წასისიანება. საქართველოს მთავარმართებელი ალექსანდრ ტორმასოვი 1810 წელს რუსეთის იმპერატორს მოახსენებდა: დასავლეთ საქართველოში "... მაშინ, როცა სა-შუალება გვექნება, აუცილებელ შემთხვევაში, ერთი მთავ-რის ძალა მეორეს დავუპირისპიროთ" [იხ., 16, გვ. 867-868].

გმირმა მეფემ, თავისუფლებისათვის თავდადებულმა მებრძოლმა, 1815 წლის 7 თებერვალს, 41 წლისამ, უცხოობა-ში დალია სული. ქართველთა უკანასკნელი მეფის დამორ-ჩილება კავკასიის სამ მთავარმართებელს: პავლე ციცია-ნოვს (1803-1806), ივან გუდოვიჩსა (1806-1809) და ალექსა-ნდრ ტორმასოვს (1809-1811) ჰქონდათ დავალებული. თუ-მცა მესამემ კი შეძლო იმერეთის სამეფოს გაუქმება, მაგ-რამ სხვა დავალებები ვერ შეასრულა, სოლომონ II ვერ და-იმორჩილა, ვერც მოკლა და ვერც რუსეთში გადაასახლა.

1990 წელს იმერეთის მეფე სოლომონ II-ის ნეშტი სამ-შობლოში გადმოასვენეს და გელათში დაკრძალეს. 2005 წ. საქართველოს მართლმადიდებელი სამოციქულო ეკლესიის მიერ შერაცხულია წმინდანად. ხსენების დღე – ახ. სტ. 20 თებერვალი.

## მოუხელთაგალი ქართველი უფლისცელი, ანუ იმპერიის თავის ტკივილი

ალექსანდრე ბატონიშვილი (1770-1844) — აღიზარდა კათოლიკე პატრების მეთვალყურეობით. იგი ჯერ კიდევ 19-20 წლის ასაკში ერეკლე მეფის მხარდამხარ მრავალ ბრძოლაში იღებდა მონაწილეობას, წარმატებით ასრულებდა ერეკლე მეფის სამხედრო, პოლიტიკურ თუ სამეურნეო დავალებებს [20]. იგი ხელმძღვანელობდა აღა მაჰმად-ხანის შემოსევის დროს დანგრეული თბილისის აღდგენას.

თავიდან ალექსანდრე ემხრობოდა მამის პოლიტიკურ პლატფორმას რუსეთთან ურთიერთობაში, მაგრამ იმ იმედგაცრუებამ, რომელიც ქართველ პოლიტიკოსებს რუსეთის პოლიტიკამ მოუტანა, ბატონიშვილს უბიძგა ებრძოლა რუსი დამპყრობლების წინააღმდეგ, ამასთან საქართველოს ძველი მტერი ახალი მტრისათვის უნდა დაეპირისპირებინა და საერთაშორისო ვითარების მიხედვით ემოქმედა. მას ყველაზე უკეთ ესმოდა თავისი მდგომარეობის სირთულე. იგი მზად იყო სამშობლოში დაბრუნებულიყო, თუკი რუსეთის ხელისუფლება უკან დაიხევდა და ქართლ-კახეთის სამეფოს თუნდაც შეზღუდულ სუვერენულ უფლებებს შეუნარჩუნებდა.

ალექსანდრე ბატონიშვილს საქართველოს სახელმწიფოს დამოუკიდებლობისათვის ბრძოლა 1801 წლიდან დაწყებული სიკვდილამდე არ შეუწყვეტია [16, გვ. 924]. იგი “იმ უსამართლობის წინააღმდეგ იბრძოდა, რომელიც რუსეთის მთავრობამ საქართველოს სახელმწიფოებრივი არსებობის მოსპობით განახორციელა”. იგი ცდილობდა სამშობლოშიც და სხვაგანც, კავკასიის ხალხებში, სახალხო აჯანყებები გამოეწვია, რისთვისაც მისი წარგზავნილები დაუღალავად მუშაობდნენ — დადიოდნენ სოფელ-სოფელ და ხალხში წერილობით თუ ზეპირ მოწოდებებს ავრცელებდნენ. მას ყველგან

იცნობდნენ, მათ შორის კავკასიის მთიელებშიც და მისი ბრძოლის ლეგიტიმურობასაც ყველა აღიარებდა.

ალექსანდრე ბატონიშვილმა თავიდანვე შექმნა კარგად აწყობილი ფართო საკომუნიკაციო ქსელი, რომლის მეშვეობითაც გაცხოველებულ მიმოწერას აწარმოებდა რუსების წინააღმდეგ კოალიციის შესაქმნელად. მიუხედავად რუსეთის ხელისუფლების მიერ მიღებული უმკაცრესი ზომებისა, ეს პრნყინვალედ მოახერხა. საგულისხმოა ერთი მაგალითი, 1806 წლის 31 დეკემბერს მთავარსარდალ გუდოვიჩის დამტკიცებული სამხედრო სასამართლოს მიერ ორ ყაბარდოელს, რომლებსაც ალექსანდრე ბატონიშვილის წერილები დაჰქონდათ ყაბარდოელებთან და სხვა ხალხებთან, მიესაჯათ: 50 როზგის დარტყმა, ხელისა და ფეხის ფრჩხილების დაძრობა, დადაღვა და ნერჩინსკის მაღაროებში სამუდამო მუშაობა. მიუხედავად ამგვარი მაგალითებისა და რუსეთის სპეცსამსახურების მონდომებისა, მის მიერ აწყობილი საკომუნიკაციო სისტემა არ მოიშალა.

ალექსანდრე კარგად იყო გარკვეული საერთაშორისო პოლიტიკური კონტექსტი გაფართოვდა, რადგან სტრატეგიულმა მდებარეობამ იგი ევროპის დიდი ქვეყნების ყურადღების ორბიტაში მოაქცია. იმუამად საქართველოს ბედი არა მხოლოდ პეტერბურგსა და ირანში, არამედ საფრანგეთსა და ინგლისში შეიძლებოდა გადაწყვეტილიყო.

ირანის დედაქალაქში, სადაც დასტობით იგზავნებოდნენ ჯერ ფრანგი (1809 წლამდე), შემდეგ ინგლისელი დიპლომატები, სამხედრო ინსტრუქტორები თუ იარაღის მწარმოებლები, ალექსანდრე ბატონიშვილს საშუალება ჰქონდა თვალი ედევნებინა ევროპაში იმ დროს მიმდინარე პოლიტიკური პროცესების უაღრესად დინამიკური განვითარებისათვის. იგი, არც თუ ისე უსაფუძვლოდ, მოელოდა თავისი ქვეყნის გადასარჩენად ხელსაყრელი მომენტის დადგომას. ასეთი

მოჩვენებითად “საიმედო” მომენტი კი რამდენჯერმე მართლაც დადგა. საერთაშორისო ძალთა დაპირისპირება: ერთი მხრივ, საფრანგეთი-ოსმალეთი-ირანი, მეორე მხრივ, ინგლი-სი-რუსეთი, საქართველოს დამოუკიდებლობისათვის მებრძოლთ იმედს აძლევდა, რომ რუსეთი იძულებული გახდებოდა კავკასია დაეტოვებინა.

იმ დროს, როდესაც რუსეთი ნაპოლეონის წინააღმდეგ ევროპის კოალიციურ ომში იყო ჩაბმული, საფრანგეთის ჩაგონებით, ირანმა (1805 წელს) და ოსმალეთმა (1806 წელს) მას ომი გამოუცხადეს. რუსეთისათვის სამძიმო იყო რამდენიმე ფრონტზე საომარი მოქმედებების წარმოება, მაგრამ პოზიციები არ დაუთმია — ოსმალეთს მან აქტიური საბრძოლო მოქმედებებით უპასუხა, რის დროსაც უხვად იყენებდა ქართველი ხალხის საბრძოლო ენერგიას, ხოლო ირანთან თავდაცვითი ტაქტიკა არჩია და თან დაზავებას ითხოვდა. ირანი განგებ აჭიანურებდა ზავს, მაგრამ ეს პერიოდი მაინც ვერ გამოიყენა თავის სასარგებლოდ. რუსეთის არმიასთან ირანი თუ მასზე დამოკიდებული სახანოები მარცხს მარცხზე განიცდიდნენ. ქართველი ბატონიშვილისათვის ამ ომების მთავარი გაკვეთილი ის იყო, რომ იმუამინდელი ირან-ოსმალეთის ვერც საბრძოლო ტაქტიკა, ვერც საბრძოლო აღჭურვილობა და ვერც სამხედრო დისციპლინა ვერ უტოლდებოდა რუსეთისას. ამიტომ რუსეთი, მცირე გამონაკლისის გარდა, ყველა გადამწყვეტ ბრძოლებს იგებდა.

1807 წელს ტილზიტის ზავის შედეგად რუსეთი და საფრანგეთი ურთიერთმოკავშირენი გახდნენ, ამან კავკასიაში რუსეთისათვის სასიკეთოდ შეცვალა პოლიტიკური მდგომარეობა. 1807 წელს ოსმალეთმა დროებით შეწყვიტა რუსეთთან საომარი მოქმედებები, ხოლო საფრანგეთმა — რუსეთის წინააღმდეგ ირანის დახმარება. რუსეთმა კი ირანისათვის მოიცალა და შეტევაზე გადავიდა. 1809 წელს რუსეთთან “დამეგობრებული” საფრანგეთი ირანში ინგლისმა შეცვალა.

რუსეთის წინააღმდეგ იმუამინდელ ომში ინგლისი აწვდიდა ირანს იარაღსა და ფულს. ინგლისისავე კარნახით, ამავე წელს რუსეთის წინააღმდეგ საუკუნოვანი მტრები — ირანი და ოსმალეთი გაერთიანდნენ. ამ წელს ისევ განახლდა ოსმალეთ-რუსეთის ომი. თავის მხრივ, ირანი რუსეთს მთელი კავკასიის დაცლას სთხოვდა [17].

უკვე, 1800 წლის ივნისში, ირანში გადასული ალექსანდრე ბატონიშვილი ირანის, დაღესტნის, ყარაბაღის, განჯისა და შირვანის სახანოების კოალიციის შექმნას ცდილობდა, რათა განედევნა რუსები საქართველოდან. თუმცა 1800 წლის 7 ნოემბერს დაღესტნელების 15 ათასიანი ჯარის მდინარე იორთან (სოფ. კაკაბეთის მახლობლად) მარცხისა და რუსეთის დიპლომატიის მხრიდან ირანის მისამართით გაკეთებული დათმობების (კოვალენსკის საქართველოდან გაშვება და სხვ.) შემდეგ ეს გეგმა ჩაიშალა.

ალექსანდრე ბატონიშვილი 1801 წლის შეთქმულების აქტიური მონაწილეა, რომელიც 1801 წლის 18 თებერვალს, თბილისში პავლე I-ის მანიფესტის გამოცხადების შემდეგ დაიგეგმა [10, გვ. 31-41]. შეთქმულები ერეკლე მეორის ქვრივ დარეჯან დედოფლის (1738-1807) სასახლეში იკრიბებოდნენ. მანამდე მასთან დაპირისპირებული ბატონიშვილები და მარიამ დედოფლიც (1768-1850) აქტიურად ჩაებნენ ამ ბრძოლაში.

შეიარაღებული ბრძოლისთვის მზადება მიმდინარეობდა საქართველოს სხვადასხვა კუთხეში. დავით ბატონიშვილი (1767-1819) ბორჩალოში მალულად ამზადებდა ჯარს და ერევნის ხანთან კავშირის გაბმას ცდილობდა, თავიანთ საუფლისწულოებში ქმნიდნენ საბრძოლო დანაყოფებს თეიმურაზ, მირიან და ვახტანგ ბატონიშვილები. ამ ორ უკანასკნელს დაკისრებული ჰქონდათ დარიალის ხეობის ჩაკეტვა და ამ გზაზე სტრატეგიული მნიშვნელობის ხუთი ხიდის დანგრევა. საომრად ემზადებოდა იმერეთის მეფეც, რომელსაც თებერ-

ვლიდან თავისთან ჰყავდა შეფარებული იულონ და ფარნაოზ ბატონიშვილები.

იმერეთში ჩადის ალექსანდრე ბატონიშვილიც, იგი, სოლომონ II-სა და ახალციხელ შერიფ ფაშასთან<sup>3</sup> ერთად აწყობს იმერეთის, ირანის, ახალციხის საფაშოსა და ლეკების გაერთიანებული ძალებით რუსებთან შებრძოლების გეგმას.

იულონ და ვახტანგ ბატონიშვილები მომხრე თავად-აზნაურებთან ერთად მივიდნენ სოფ. მარტყოფში. იქ უერთდება შეთქმულებს ალექსანდრე ბატონიშვილიც და ანვდის ინფორმაციას სოლომონ II-სა და შერიფ ფაშასთან მიღწეული შეთანხმების შესახებ. ერთობლივად დაისახა აჯანყების გეგმა.

რუსეთის სპეცსამსახურებისთვის ცნობილი გახდა ამ სამზადისის შესახებ. მაგალითად, 1801 წლის აგვისტოში კნორინგისადმი ლაზარევის მიერ გაგზავნილ წერილში ლაპარაკია, თუ როგორ აპირებდნენ ალექსანდრე ბატონიშვილი, სოლომონ II და შერიფ ფაშა ქართული, ირანული და თურქული ძალებით, დაღესტნელებთან ერთად შეეტიათ რუსებისათვის 1801 წლის ზაფხულში [35, გვ. 285]. მარტყოფში გამართული შეთქმულთა შეკრების მონაწილე ოთარ ამილახვრის მიერ დაკითხვაზე მიცემული ჩვენებიდანაც ირკვევა [35, გვ. 324], რომ შეთქმულები აპირებდნენ ალექსანდრე ბატონიშვილის მეთაურობით შეეტიათ რუსებისათვის და ”გაეყარათ რუსეთის ჯარები საქართველოდან და მეფედ გამოეცხადებინათ იულონ ბატონიშვილი” [36, გვ. 23], რა დროსაც აჯანყებულ ქართლკახელ მეომრებს უნდა შეერთებოდათ დაღესტნის, ყარაბაღისა და იმერეთის ჯარის ნაწილები.

<sup>3</sup> სხვათა შორის, იმ მომენტში თურქეთი ეგვიპტისათვის საფრანგეთთან საომარ მდგომარეობის გამო, რუსეთთან თბილ ურთიერთობაში იყო და მასთან მოკავშირეობას ეძებდა, მიუხედავად ამისა, ახალციხის ფაშა სულთანს არ დაემორჩილა და დამოუკიდებლად მოქმედებდა. ის, ალექსანდრე ბატონიშვილი და სოლომონ II ერთობლივად აწყობდნენ გეგმებს რუსებთან საბრძოლველად.

დაძაბულობამ და მღელვარებამ მოიცვა მთელი კახეთი. იმდენად სერიოზულად იყო საქმე, რომ დამფრთხალი რუსული სამხედრო რაზმის მეთაური, მაიორი ალექსეევი 1801 წლის 3 აგვისტოს გენერალ ლაზარევს შეშფოთებული ნერდა ”აქ ვარშავაზე უარესი დღე მოგველისო” [35, გვ. 340] (იგულისხმება 1794 წლს ვარშავაში პოლონელების მიერ რუსული გარნიზონის უეცარი ამოჟლეტა).

ქართველები დიდ იმედებს ამყარებდნენ გარედან დახმარებაზე, მაგრამ ირანს, თურქეთსა და რუსეთს შორის გაძლერებულმა დიპლომატიურმა აქტიურობამ და შექმნილმა არასახარბიელო პოლიტიკურმა სიტუაციამ შეთქმულთა იმედები გააქარწყლა. მოულოდნელად უკან გაბრუნდა საზღვართან მოსული ირანის ჯარის 10-ათასიანი კორპუსი პირ ყული ხანის მეთაურობით [36, გვ. 26]. საბოლოოდ ხელისუფლებამ ძალის დემონსტრირებით, დიპოლომატიის გამოყენებით და რეპრესიებით შეძლო პალე I-ის მანიუქსტის საპასუხოდ წამოწყებული 1801 წლის შეთქმულების გაუვნებელყოფა.

1802-1803 წლებში ალექსანდრე ბატონიშვილი კვლავ ცდილობს რუსეთის წინააღმდეგ ბრძოლაში ერევნის, ნახიჭევნის და განჯის სახანოების გაერთიანებას. რუსეთ-ირანის 1804-1813 წ.წ. ომის დროს კი იგი თემიურაზ ბატონიშვილთან ერთად იბრძოდა რუსეთის ჯარების წინააღმდეგ.

1812 წლის შემოდგომაზე ალექსანდრე ბატონიშვილი საქართველოში ჩამოვიდა და კახეთის აჯანყებას [9, გვ. 36-39] ჩაუდგა სათავეში. აჯანყება კი კახეთში დაიწყო, მაგრამ იგი ტერიტორიულად მხოლოდ კახეთით არ შემოფარგლულა. აჯანყება ერთ წელს გაგრძელდა მცირე შესვენებებით და მან მოიცვა კახეთი, თუშ-ფშავ-ხევსურეთი და ქართლის მთიანეთი. ამბოხი ქართლშიც დაიწყო [16, გვ. 924], მაგრამ რუსებმა მალე ჩახშვეს და მოახერხეს სიტუაციის მართვა, ამიტომ ქართლელი თავადაზნაურობა და გლეხობა ალექსანდრეს დასახმარებლად კახეთში გადავიდა [16, გვ. 925].

მეამბოხეები კარგად შედგენილი გეგმით მოქმედებ-დნენ, მათ მოულოდნელი და ერთდროული თავდასხმებით ალყა შემოარტყეს განცალკევებულ რუსულ საოკუპაციო ძალებს, არ მისცეს გაერთიანების საშუალება და გაანადგურეს. ბრძოლაში გმირულად ჩაება ფშავ-ხევსურ-თიანეთელების 1000 კაციანი რაზმიც. ქართველებმა აიღეს დუშეთისა და ფასანაურის საგუშაგოები და ანანურს ალყა შემოარტყეს. მათ გეგმაში ჰქონდათ დარიალის გზის ჩაკეტვა, რათა ჩრდილოეთ კავკასიოდან დამატებითი ჯარების გადმოსხმა აღეკვეთად. აჯანყებულთა მიზანი თბილისის აღება და საქართველოს დამოუკიდებლობის აღდგენა იყო [16, გვ. 922].

მთავარმართებელი, წარმოშობით იტალიელი, მარკიზი პაულიჩი (1811–1812) პირადად ხელმძღვანელობდა აჯანყების ჩაქრობას. რუსებმა დაიწყეს ძალების მობილიზება. 1-ლ მარტს დიდი ბრძოლა გაიმართა სოფ. ჩუმლაყთან. 4000 აჯანყებული ქართველი გმირულად ეკვეთა მტერს, მაგრამ მოლალატების წყალობით გამარჯვება რუსებს დარჩათ.

1812 წლის ზაფხულში საფრანგეთის არმიამ რუსეთის საზღვარი გადალახა და გადავიდა შეტევაზე. ამ დროს რუსეთს არ ჰქონდა დამთავრებული ომი ირანთანაც. თიანეთში მყოფმა ალექსანდრე ბატონიშვილმა გადაწყვიტა შექმნილი ვითარებით ესარგებლა. მისმა მოწოდებამ ფეხზე დააყენა კახეთი, ქიზიყი, ფშავ-ხევსურეთი, მდელვარება დაიწყო ქართლშიც, მაგრამ ხელისუფლებას იქ ძლიერი პოზიციები ჰქონდა და ქართლელები იძულებული იყვნენ ბატონიშვილის ლაშქართან შეერთების გზები ეძებნათ. მალე კახეთი-დან და ქართლიდან დაიძრნენ პატრიოტი ქართველები – თავადები, აზნაურები, გლეხები. დაგეგმილი იყო ალავერდობა დღეს ალექსანდრეს მეფედ კურთხევა.

დაიწყო აჯანყების მეორე ეტაპი. ალექსანდრე ბატონიშვილი, რომელიც ამ მომენტისთვის ხალხის დიდი მხარდაჭერით სარგებლობდა, სათავეში ედგა ქართველი ხალხის

სრულიად კანონიერ ბრძოლას სახელმწიფოებრიობის აღ-  
დგენისათვის. მან თავიდანვე ყველასათვის მკაფიო და გასა-  
გები საბრძოლო ამოცანა დასახა: სამხედრო გზის ჩაკეტვა,  
კახეთის შემომტკიცება და ქართლის აჯანყება. ამას უნდა  
მოჰყოლოდა ირანიდან დამხმარე ჯარის შემოსვლა. თუ რუ-  
სეთის მთავრობა დათანხმდებოდა სამეფოს აღდგენას, მაშინ  
საქმე მშვიდობიანად მოგვარდებოდა.

სამხედრო საქმეში გაწაფულმა ბატონიშვილმა საბ-  
რძოლო რაზმები სამ ნაწილად დაჲყო და თითოეულს სტრა-  
ტეგულად მნიშვნელოვანი გზის ჩაკეტვა დაავალა, რათა რუ-  
სულ ნაწილებს არ ჰქონდათ ჩრდილოეთიდან შევსების მი-  
ლების და გადაადგილების საშუალება. მან პირველ რაზმს  
დაავალა თბილისიდან კახეთისაკენ მიმავალი გზის ჩაკეტვა,  
მეორე რაზმს — ქართლიდან თიანეთ-თელავისკენ მიმავალი  
გზების დაცვა, მესამეს კი — ჩრდილოეთიდან გადმოსასვლე-  
ლი გზები უნდა ჩაეკეტა. თვითონ რუსთა ჯარის წინააღმდეგ  
ბრძოლისთვის უშუალოდ უნდა ეხელმდლვანელა. ქართულ  
ლაშქარს დასახმარებლად 1200 დაღესტნელიც შეუერთდა.

საგონებელში ჩაგარდნილმა საქართველოს იმდროინ-  
დელმა მთავარმართებელმა ნიკალაი რტიშჩევმა (1812–1816)  
საქართველოში მყოფი მთელი ძალების მობილიზაცია გამო-  
აცხადა, კავკასიის ხაზიდან ბატალიონებიც იხმო და განცხა-  
დება გამოაქვეყნა — ალექსანდრე ბატონიშვილის მკვლე-  
ლობისათვის 2 ათასი ჩერვონეცის დაწესების შესახებ.

ქართველ მოლაშქრეებთან შედარებით რუსთის რეგუ-  
ლარულ ჯარს სამხედრო წყობითა და იარაღით დიდი უპირა-  
ტესობა ჰქონდა, ამიტომაც ბატონიშვილი ძირითადად მანევ-  
რირებდა და პარტიზანულ ბრძოლებს აწარმოებდა, თან აჭი-  
ანურებდა დროს ნაპოლეონის გამარჯვებისა და სპარსელთა  
დახმარების მოლოდინში. აჯანყებულებმა მრავალი ბრძოლა  
მოიგეს და დიდი ზარალიც მიაყენეს მოწინააღმდეგეს.

რაკი საქართველო რუსების დამარცხებას მარტო ვერ შეძლებდა, ამიტომ ალექსანდრე ბატონიშვილი ცდილობდა მეომარ სახელმწიფოებს შორის არსებული წინააღმდეგობის საქართველოს დამოუკიდებლობის აღსადგენად გამოეყენებინა. სამწუხაროდ, როგორც ცნობილია, საერთაშორისო ვითარება აჯანყებულთა საწინააღმდეგოდ შეიცვალა. ამასთან, რუსებმა ასლანდუზთან სასტიკად დაამარცხეს აბას მირზას ჯარებიც. ქართველებს გარედან დახმარების იმედი ამოენურათ. აჯანყება განწირული ჩანდა.

21 სექტემბერს შილდასთან მოხდა დიდი ბრძოლა, მაგრამ გადამწყვეტი გამარჯვება არცერთ მხარეს არ ერგო, თუმცა სამთავრობო ჯარებმა შეძლეს გაერთიანება. მძაფრი ბრძოლები გაიმართა 13 ოქტომბერს ისევ შილდასთან, 18 ოქტომბერს — სიღნაღში, 24 ოქტომბერს — მაღაროში, 29 ოქტომბერს — ჩალაუბანში, 21 ნოემბერს — ხაშმთან. გენერალური ბრძოლა 26 ნოემბერს მანავთან გაიმართა რუსების გაერთიანებულ ჯარებთან. ლეკებისა და მერუსეთე ქართველების ლალატის გამო ქართველები დამარცხდენენ.

ალექსანდრე თიანეთიდან ფშავში გადავიდა, შემდეგ — ხევსურეთში. 1813 წლის მაისში გენერალმა რტიშჩევმა ოთხი მხრიდან შეუსია ლაშქარი ხევსურეთს. გადამწყვეტი ბრძოლა 3 ივნისს მოხდა. ხევსურები მამაცურად იბრძოდნენ შატილის დასაცავად, 600 ხევსურმა თავიც შესწირა სამშობლოს, მაგრამ რუსეთის არტილერიამ გადაწყვიტა ბრძოლის ბედი. შატილი მტერმა მიწასთან გაასწორა, ამობუგა 22 ხევსურული და 9 ქისტური სოფელი. აჯანყების ყველა კერა იქნა ლიკვიდირებული. რუსებმა უამრავი ქართველი გაჟღლიტეს, დაპატიმრებულები კი სასტიკად დასაჯეს.

ალექსანდრე ბატონიშვილი ამჯერადაც გაუსხლტა მტერს და დალესტანში გადავიდა [6, გვ. 79]. აქ იგი სოფელ უნცუკულში დაბანაკდა და მთიელთაგან საბრძოლო რაზმების ორგანიზებას შეუდგა. სულ მოკლე ხანში მისი დროშის

ქვეშ 6000 მებრძოლი იდგა. 1813 წელს შილდის გზით ალექსანდრე ბატონიშვილი კახეთში შევიდა. საბუქესთან რუსებმა ძლიერი წინააღმდეგობა გაუწიეს და ბატონიშვილი უკან გაბრუნდა. საერთაშორისო მოვლენების ირანის სასიკეთოდ შემოტრიალების მოლოდინში ალექსანდრე ბატონიშვილი 1818 წლამდე იმყოფებოდა დაღესტანში.

ირანის, თურქეთის, აგრეთვე, საფრანგეთისა და ინგლისის მცდელობებს პოლიტიკური სარგებელი ენახათ ამ აჯანყებიდან, წარმატება არ მოჰყოლია. პირიქით, 1812 წელს რუსეთი გამარჯვებული გამოვიდა არამარტო საფრანგეთან, სპარსეთთან და თურქეთთან ომებში, არამედ გამარჯვებას მიაღწია აჯანყებულ ქართლ-კახლებთანაც ერთწლიან ბრძოლაშიც. სხვათა შორის, მაშინ როდესაც, აჯანყებული ქართველები ალექსანდრე ბატონიშვილის მეთაურობით ფრანგებთან რუსების დამარცხებაზე ამყარებდნენ იმედს. რუსების მხარეს ბოროდინოს ბრძოლაში მონაწილეობას იღებდა ქართული წარმოშობის 13 გენერალი [37].

ამ აჯანყების მნიშვნელობასა და მასშტაბებზე მონმობს ის გარემობაც, რომ მიუხედავად რუსეთში ნაპოლეონის შეჭრისა და 1812 წლის ბოროდინოს ბრძოლისა (რუსეთის ისტორიის უმნიშვნელოვანესი მოვლენა), კახეთის აჯანყება ვერ დაიჩრდილა და დიდი ხნის განმავლობაში რუსეთის ხელისუფლების, ამ მოვლენის თანამედროვე სამხედროების, პოლიტიკოსების, ისტორიკოსების და სხვ. განსჯის საგანი იყო. უფრო მეტიც, რუსები იმდენად უმნიშვნელოვანეს მოვლენად თვლიდნენ, რომ ამ "ერთი ციცქა" (რუსეთის იმპერიის მასშტაბებისათვის) აჯანყების შესახებ 140 წლის შემდეგ, 1951 წელს, რუსულ ენაზე, ო. მარკოვას ავტორობით, 332

გვერდიანი ფუნდამენტური შრომა<sup>4</sup> გამოსცა სსრ კავშირის მეცნიერებათა აკადემიამ.

ამ მოვლენას პუშკინთან და დეკაბრისტებთან დაახლოებულმა, ქართველებისადმი კეთილგანწყობილმა, ცნობილმა რუსმა მწერალმა (პროზაიკოსი, პოეტი, მთარგმნელი) ალექსანდრე შიშკოვმა (1799-1832) რომანიც კი მიუძღვნა ”ქეთევანი, ანუ საქართველო 1812 წელს” (მისი პირველი თავები იპტდებოდა 1830-1831 წლებში), სამწუხაროდ, იგი მოკლეს და მისი დამთავრება ვერ მოასწრო [38].

ამ დროს, შიშკოვისგან განსხვავებით, ჩვენი სიძე ა. გრიბოედოვი ქართველებისადმი არა, მაგრამ ამ აჯანყების დროს სადამსჯელო რაზმის დაღუპული რუსი ოფიცრებისა და ჯარისკაცებისადმი დიდ კეთილგანწყობას ავლენს [39].

ქართველთა ამ აჯანყებას მრავალი რუსი და სხვა უცხოელი შეეხო, მათ შორის — ფრანგები, გერმანელები ინგლისელები [22, 40] და სხვ.

როგორც ზემოთ აღინიშნა, აჯანყების დამარცხების შემდეგ ალექსანდრე ბატონიშვილი დაღესტანშია. იქაც განაგრძობს ენერგიულ საქმიანობას რუსეთის წინააღმდეგ კავკასიის ხალხთა გაერთიანებისთვის. მიუხედავად დაღესტნელებზე რუსეთის არნახული ზენოლისა, იგი მათ არ გაუციათ, პირიქით, უდიდესი სიყვარული მოიპოვა დაღესტნელების და მათთან კავშირი სიკვდილამდე არც გაუწყვეტია. დაღესტნელების მისადმი ერთგულება იმდენად სამაგალითო იყო, რომ მათი ურთიერთობის შესახებ ლეგენდებიც კი დადიოდა. მაგალითად, ინგლისელი უილიამ ალენი (William

<sup>4</sup> Маркова О.П. Восстание в Кахетии, 1812 г. Издательство Академии наук СССР. М., 1951 ცხადია, მარკოვას ეს წიგნი დაწერილია საბჭოთა იდეოლოგიური სულისკვეთებით და აქვს საპროგრამო-დირექტიული ხასიათი ეროვნულ-განმათავისუფლებელი მოძრაობის საბჭოთა მკვლევართათვის.

Edward David Allen, 1901-1973) 1932 წელს ლონდონში გამოცემულ წიგნში “ქართველი ხალხის ისტორია”, გადმოგვცემს ლეგენდას, რომლის მიხედვითაც შამილი თითქოს ალექსანდრეს შვილი იყო [22, გვ. 216].

გარდა ირანისა, ბატონიშვილთან კავშირი ჰქონდა არზრუმის სერასკირს ბაბა ფაშასაც, რომელსაც სურდა 1815 წელს, სოლომონ II-ის გარდაცვალების შემდეგ, ალექსანდრეს იმერეთის ტახტი დაეკავებინა. 1819 წლიდან იგი ირანშია. მონაწილეობს რუსეთირანის 1826-1828 წლების ომში.

1832 წელს ფარულმა საზოგადოებამ მას სთხოვა დაგეგმილი შეთქმულების დაწყების დროს სათავეში ჩასდგომოდა აჯანყებულთა ლაშქარს, ხოლო გამარჯვების შემდეგ ფარულ საზოგადოებაში მონარქისტებს და კონსტიტუციურ-მონარქიული ფრაქციის წევრებს განზრახული ჰქონდათ მისი მოწვევა საქართველოს მეფედ.

რუსეთის ხელისუფლებას ალექსანდრე ბატონიშვილი მოსვენებას არ აძლევდა და ძალიან დიდ პრობლემებს უქმნი-



ალექსანდრე ბატონიშვილი

და. ხელისუფლება მისი გაუვნებელყოფისათვის ყველა ხე-რხს მიმართავდა, რაც ხშირად სათავგადასავლო ხასიათსაც კი ატარებდა, მაგრამ საწადელს ვერ ისრულებდა. ჯერ კი-დევ, 1800 წელს, მისი უკან შემოტყუების მიზნით, რუსეთის სრულუფლებიანმა მინისტრმა პეტრე კოვალენსკიმ გაქცე-ულ ალექსანდრე ბატონიშვილს წერილის გადასაცემად დაა-დევნა დეპუტაცია, რომელიც საღამოხანს დაეწია მას და, რა-კი ლამე იყო, მისთვის წერილი დილით უნდა გადაეცათ, მაგ-რამ დილით აღმოაჩინეს, რომ არამარტო ბატონიშვილი გამ-ქრალიყო, არამედ კოვალენსკის გამოგზავნილი დეპუტაცი-ის ცხენებიც [23, გვ. 1159-1160].

ალექსანდრე ბატონიშვილის წინააღმდეგ რუსეთის ხე-ლისუფლებამ უამრავი ხალხი ჩართო, დახარჯა უამრავი ფუ-ლი, მიმართა პროვოკაციებს, გამოიყენა გარემოცვის მოს-ყიდვის, მოწამვლისა და მკვლელობის მცდელობები. მაგალი-თად, რტიშჩევი ავარელ ხანს სულტან აჰმედს ბატონიშვილის მოკვლისათვის სთავაზობს 6000 მანეთს და სხვა ჯილდოებს [25, გვ. 376]. იგი დათანხმდა და ითხოვა გაუგზავნონ “საწამ-ლავი, რომელიც საჭმელში ან სასმელში გარევის შემთხვევა-ში მოკლავს ადამიანს..” [25, გვ. 376]. ამით საწადელს, რომ ვერ მიაღწია, რტიშჩევმა 20 ათასი მანეთი (იმ პერიოდში უზარმაზარი თანხა) აღუთქვა იმას, ვინც ალექსანდრე ბატო-ნიშვილს მოკლავდა. კიდევ ერთი მაგალითი, მთავარსარდა-ლი გუდოვიჩი სომეხ გიორგი ბასტამოვს ძალიან დიდ საზღა-ურს შეჰპირდა, თუ ის ბატონიშვილს მოიტაცებდა და ირანი-დან საქართველოში ჩამოიყვანდა [24, გვ. 68-69].

ალექსანდრე ბატონიშვილი, რომელიც უზარმაზარი ავ-ტორიტეტით სარგებლობდა მთელ კავკასიაში, იმდენად მო-უხელთებელი იყო, რომ ხშირად რუსეთის ხელისუფლებას საგონებელში აგდებდა. მაგალითად, კავკასიის არქოგრაფი-ული კომისიის აქტების მე-6 ტომში აღნერილი ერთი ეპიზო-დი ნათლად გადმოსცემს ქართველი უფლისწულისა და

რუსეთის იმპერიის ორთაბრძოლის ხასიათს. 1818 წელს მთავარმართებელმა ალექსი ერმოლოვმა (1816–1826), რათა აღეკვეთა დაღესტნიდან საქართველოს გავლით ბატონიშვილის ირანში გადასვლა, გაატარა უმკაცრესი ღონისძიებები, მიიღო საგანგებო ზომები: გაზარდა საგუშაგოების რიცხვი და გააძლიერა ისინი, დააწესა ოცდაოთხსაათიანი მორიგეობა, გამოსცა ბრძანებები სიფხიზლის გაძლიერების შესახებ და სხვ. ერთი სიტყვით, მის უკითხავად არა თუ “ტუზემეცი” ბატონიშვილი, არამედ ბუზიც ვერ გადაიფრენდა და იმპერიის საზღვრები და პრესტიჟი საიმედოდ იყო დაცული. და აი, იმავე წლის წლის 26 აგვისტოს, დღისით-მზისით, 12 შეიარაღებული ცხენოსანი ამალის თანხლებით, შეეხმიანა რა საგუშაგოზე მდგარ კაზაკებსაც, ალექსანდრე ბატონიშვილმა გადალახა ჯერ მდინარე მტკვარი, შემდეგ — საზღვარი [26, გვ. 300–301]. ეს იყო რუსეთის იმპერიის ხელისუფლებისათვის წარმოუდგენელი კონფუზი.

თუ რა მნიშვნელობა ენიჭებოდა ალექსანდრე ბატონიშვილის გადაბირებას, ამას მიგვანიშნებს მასთან მიმოწერაში მყოფი უმაღლესი დონის სამხედრო და სამოქალაქო მოხელეების სიისათვის თვალის გადავლება: ლაზარევი, კოვალენსკი, კოჩუბეი, ციციანოვი, ნესვეტაევი, ტორმასოვი, კოზოდავლევი, ნესელროდე, დელპოცო, რტიშევი, ერმოლოვი და სხვები,<sup>5</sup> ამ სიას უნდა დაემატოს თვით იმპერატორი ალექსანდრე პირველიც [25, გვ. 391]. ეს მაღალი რანგის პოლიტიკური მოხელეები პოლიტიკურ ორიენტაციას უწუნებდნენ ბატონიშვილს, საყვედურობდნენ, რომ იგი სპარსელთა პოლიტიკურ და სამხედრო მხარდაჭერით სარგებლობდა.

ალექსანდრე ბატონიშვილი არც სპარსოფილი იყო და არც — რუსოფონი. იგი პოლიტიკოსი იყო და მის პოლიტი-

<sup>5</sup> ეს წერილები გამოქვეყნებულია ”კავკასიის არქეოგრაფიული კომისიის აქტებში” (ტ.ტ. I-VI), რუსულ ენაზე.

კურ კრედოს განაპირობებდა ქართული სახელმწიფო ბრიობის აღდგენის ეროვნული ინტერესები. მის საპასუხო წერილებში ჩანს, რომ იგი დარწმუნებული თავის სიმართლეში, შეურიგებელია არა რუსეთთან პოლიტიკური კავშირის არსებობისა, არამედ რუსეთის ხელისუფლების მიერ საქართველოს სახელმწიფო ბრიობის გაუქმებისა. ალექსანდრე ბატონიშვილი გაგზავნილ საპასუხო წერილებში ქართველი ხალხის ბრძოლას სამართლიანს უწოდებს. სრულიად ბუნებრივად მიაჩნია მოკავშირეები ეძებოს და ისინი გამოიყენოს ამ ბრძოლაში. ქართველები დამოუკიდებლობის აღდგენისთვის, ქართული სახელმწიფო ბრიობისათვის იბრძვიან, ეს კი წმინდა საქმეა, ადამიანის საპატიო მოვალეობაა. ვინც სამშობლოსათვის თავს დადებს, მას მსხვერპლად შეენირება, დიდების ღირსია. მებრძოლმა ქართველობამ მეთაურად მომინვია და მეც მათთან ერთად ვიბრძვი ხალხისა და სამშობლოს დასაცავადო.

რუსეთის მიერ ამიერკავკასიაში პოზიციების განმტკიცების შემდეგ და საქართველოსთვის შექმნილი არასახარბიელო საერთაშორისო ვითარებიდან გამომდინარე, როცა ნათელი გახდა იმ ეტაპისათვის აჯანყებებით რუსეთის დამარცხების უპერსპექტივობა, ალექსანდრე ბატონიშვილი ირანში გადაიხვეწება. საქართველოს დამოუკიდებლობისათვის დაუღალავმა მებრძოლმა, სიცოცხლის ბოლო წლები სამშობლოსგან შორს, სიღატაკესა და მარტოობაში გაატარა, იგი თეირანში გარდაიცვალა და დასაფლავებულია სომხური ეკლესის ეზოში.<sup>6</sup>

საგულისხმო ფაქტია, რომ ალექსანდრე ბატონიშვილი რუსეთის იმპერიის ხელისუფლებამ ვერაფრით ვერ გატეხა

<sup>6</sup> მადლი იქნება ამ დიდი ქართველის ნეშტის საქართველოში გადმოსვენება. იქნებ სიკვდილის შემდეგ მაინც ელირსოს მშობლიურ მინაში დამარხვა, რომლის თავისუფლებისათვის ბრძოლას სიცოცხლე შეალია.

და ვერაფრით ვერ ჩაიგდო ხელში. მიუხედავად იმისა, რომ ამისთვის ყველა ხერხ და ყველა საშუალებას მიმართა. რუსეთის ხელისუფლებამ ყველაფერი გამოიყენა, როგორც სამხედრო ძალა, ასევე უამრავი ოქრო და ფინასები დახარჯა, რომ მოესყიდა ვინმე მისი გარემოცვიდან... რუსეთის იმპერატორი პირადად უგზავნიდა წერილებს, რომლებშიც ხან უყვავებდა და აძლევდა დაპირებებს, ხან ემუქრებოდა... ეს დიდი ქართველი პატრიოტი, შეურიგებელი ქართველი უფლისნული თითქმის 40 წელნადი იყო ჩაბმული უთანასწორო ომში უზარმაზარი რუსეთის იმპერიის მრავალჯერ აღმატებულ მასზე დაგეშილ მტრულ ძალებთან... მისი გმირული ფათერაკებით სავსე ცხოვრება საუკეთესო სათავგადასავლო ფილმის თუ რომანის სიუჟეტად გამოდგებოდა... და ამ დროს, სწორედ მას მოიხსენიებდა საბჭოთა ისტორიოგრაფია განსაკუთრებულად უარყოფით კონტექსტში და ცდილობდა ბინძური მეთოდებით დაენერგა ქართველებში მისადმი სიძულვილი.

## მეოდეოდ ცუთიოდე ფელი...

საქართველოს ეროვნულ-განმათავისუფლებელი მოძრაობის პროგრესულ-დემოკრატიული მიმართულების იდეოლოგიის შემუშავებაში გამორჩეული ადგილი უჭირავს განმანათლებელს, ფილოსოფოსს, უურნალისტს, პედაგოგს, პოლიტიკოსსა და საზოგადო მოღვაწეს, სოლომონ დოდაშვილს (1805-1836).

1820 წელს გლეხის წოდებიდან გამოსულმა მღვდლის შვილმა სიღნაღის სასულიერო სასწავლებელი დაამთავრა, ხოლო 1822 წელს - თბილისის სასულიერო სემინარია. იმავე წელს სოლომონ დოდაშვილი "თვრამეტი ვერცხლის მანეთით ჯიბეში" გაემგზავრა პეტერბურგს. 1824-1827 წლებში იგი პეტერბურგის უნივერსიტეტის ფილოსოფიურ-იურიდიულ ფაკულტეტზე სწავლობდა. მიუხედავად გაჭირვებული ცხოვრებისა, მოახერხა და თავიც გამოიჩინა სწავლაში.

ახალგაზრდა ს. დოდაშვილმა ღრმად შეისწავლა მსოფლიო ფილოსოფიური მემკვიდრეობა და შეუდგა საკუთარი ფილოსოფიური მოძღვრების დამუშავებას, რომლის დასასაბუთებლად გამოიყენა მაშინდელი ევროპული ფილოსოფიის საუკეთესო გამოცდილება, კერძოდ დიდი გერმანელი ფილოსოფოსის იმანუილ კანტის (1724-1804) და მისი მემკვიდრეების (ი. ფიხტე, ფ. შელინგი, გ. ეგელი და სხვ.) მონაცოვარი. უნდა აღინიშნოს, რომ ს. დოდაშვილი არის პირველი ქართველი კანტიანელი [33, გვ. 5].

ის ფაქტი, რომ სოფელ მაღაროსკარელმა 22 წლის ახალგაზრდამ მის მიერ განზრახული ფილოსოფიური სისტემის პირველი ნაწილი, რომელსაც "ლოგიკა" ეწოდება, პეტერბურგის უნივერსიტეტს წარუდგინა სადიპლომო ნაშრომად და ის, რომ უნივერსიტეტის საბჭოს დადგენილებით ეს ნაშრომი



სოლომონ დოდაშვილი

დაიბეჭდა 1200 ეგზე-  
მპლარად,  
მაშინდელი რუსეთის  
ერთ-ერთ ყველაზე  
პრესტიულ სმირდი-  
ნის გამომცე-  
მლობაში, უკვე  
ბევრის მთქმელია. ამ  
წიგნს, როგორც  
სახელმძღვანელოს,  
სრულიად რუსეთის  
მასშტაბით დიდი  
წარმატება და  
აღიარება შეხვდა  
(რუსეთის წამყვანი  
ჟურნალები გუ-  
ლუხვად აქტდნენ  
"მოდგმით ქართვე-  
ლი" მეცნიერის ნაშ-  
რომს). მეცნიერებაში  
მის უდავო აღიარება-

ზე მიუთითებს ის ფაქტიც, რომ მისი გადასახლებისა და გარ-  
დაცვალების შემდეგაც კი, 1840 წელს გამოსულ გ. ვოსკრეს-  
ნესკის "ფილოსოფიის ისტორიის" IV ტომში მსჯელობაა  
დოდაშვილის ფილოსოფიაზე, მოგვიანებით 1890 წ.  
პეტერბურგში გამოსულ იუბერვეგ-ჰაინცეს "ახალი დროის  
ფილოსოფიის" დამატებაში "ფილოსოფია სლავიანურ  
ქვეყნებში", დოდაშვილი კანტის მიმდევრად არის ჩათვლილი.  
იგი ფიგურირებს 1904 წელს პეტერბურგში გამოსულ ე.  
რადლოვის "ფილოსოფიურ ლექსიკონში" [33, გვ. 12-13]. ს.  
დოდაშვილი პირველი ქართველია (თუ არ ვცდები), რომელიც  
მეცნიერული ნაშრომისთვის ბროკჰაუზისა და ეფრონის ენ-

ციკლოპედიაში იქნა შეყვანილი. მართლაც როგორი ნიჭიერი უნდა ყოფილიყო იგი, რომ მაშინდელი ”ევროპის ჟანდარმად” წოდებულ რუსეთში, ”უპატრონოს, ლარიბსა და უგვაროს”, შეგნებული ცხოვრების ასეთ ხანმოკლე პერიოდში ასეთი სიმაღლეები დაეძლია.


სოლომონ დოდაშვილმა პეტერბურგში გაიცნო და დაუახლოვდა თეიმურაზ, ბაგრატ და იოანე ბატონიშვილებს და სხვებს. პეტერბურგის უნივერსიტეტი დაამთავრა 1827 წელს მიიღო ფილოსოფიის მაგისტრის წოდება პეტერბურგში ყოფნის დროს იგი დეკაბრისტების გავლენის ქვეშ მოექცა. დაპატიმრების დროს აღმოუჩინეს კ. რილეევის “ნალივაიკო”. მან მაღე მოიპოვა მრავალმხრივ განათლებული მოაზროვნის, ფილოსოფიისა და იურიდიული მეცნიერების მიღწევებს დაუფლებული კვალიფიციური სპეციალისტისა და ანგარიშგასაწევი პიროვნების ავტორიტეტი. მას პეტერბურგში ბრნყინვალე სამეცნიერო კარიერას უწინასარმეტყველებდნენ. ს. დოდაშვილს კი უან-უაკ რუსოს ადარებდნენ. ალ. ჩოლოყაშვილი (1803-1833) ს. დოდაშვილს სწერდა: „რუსსო და შენ გამონაკლისი ხართ“.

უნიჭიერეს ახალგაზრდას შეეძლო პეტერბურგში დარჩენა, ბრნყინვალე კარიერისა და პირადი კეთილდღეობის მოპოვება, მაგრამ იგი თავის მოწოდებას ხედავდა სამშობლოს სამსახურსა და ეროვნული თავისუფლებისათვის ბრძოლაში. თავის სულიერ მამას, იონა ხელაშვილს წერდა: “...ვიკრებ სიბრძნესა მამულისათვის... უმეტესად ვიტყვი, არა თავისა თავისთვის მხოლოდ, გინა ბედნიერებისათვის ვმუშაობ, არამედ სიყვარულისთვის მამულისა, რათა ევროპა-მან ოდესმე ჰცნას ივერია საშუალობითა წერილთა სარწმუნოთა” (ხაზი ჩვენია-ჰ.კ.) [6, გვ. 232].

ს. დოდაშვილი 1827 წელს დაბრუნდა საქართველოში, გარშემო შემოკრიბა მოწინავე ახალგაზრდობა და ენთუზიაზმით შეუდგა საზოგადოებრივ-პოლიტიკურ მოღვაწეობას -

ეროვნულ ნიადაგზე. სისტემატურად ატარებდა საუბრებს საზოგადოებრივი ცხოვრების, მეცნიერების, ისტორიისა და ლიტერატურის აქტუალურ საკითხებზე.

მასთან ჩამოყალიბდა ერთგვარი საზოგადოებრივ-პოლიტიკური აზროვნების ცენტრი, სადაც ეცნობოდნენ თავიანთი დროის მოწინავე იდეებს და იხილავდნენ დასავლეთ ევ-



რობის ცივილიზაციის პრობლემებს, განსაკუთრებული ყურადღება ეთმობოდა ახალგაზრდობაში პატრიოტული სულისკვეთების გაღვივებას. „ნასწავლი ყმანვილები მოვიდნენ პეტერბურგიდან და საერთო შეთქმას შეუდნენ ქართველები“ [3, გვ. 128], ეს „ყმანვილი კაცები და მე ამ საქმისთვის.... გავერთიანდით“ [3, გვ. 121], ნერდა თავის მოგონებაში ალექსანდრე ორბელიანი (1802-1869).

ს. დოდაშვილი, როგორც ზ. ჭიჭინაძე შენიშნავს: „დიდ გავლენას ახდენს იმ დროის ქართველს მონაფეებზე. მის წრეებში დაიარებიან ნ. ბარათაშვილი, დ. ყიფიანი, გრ. ორბელიანი, ალ. ორბელიანი და ბევრიც სხვანი...“ [19, გვ. 5].

ამ ახალგაზრდა კაცმა, თბილისში, თავისი მოღვაწეობის 5 წლის მანძილზე (1827-1832), ღრმა კვალი დააჩნია ჩვენი ქვეყნის საზოგადოებრივ-პოლიტიკურ და კულტურულ ცხოვრებას. 1827-1832 წლებში იგი თბილისის კეთილშობილ-

თა სასწავლებელში ასწავლის ლოგიკას, რიტორიკას, ქართულ სიტყვიერებას, გეოგრაფიას. ამავე დროს, წერს სახელმძღვანელოებს, ადგენს ლექსიკონს, წერს საუკრნალო სტატიებს. მისი ფილოსოფიური შრომებია: “ლოგიკა”, “ლოგიკის მეთოდოლოგია” და “რიტორიკა”.

მთელი თაობა აღიზარდა მის მიერ შედგენილ და 1831 წელს გამოცემულ “შემოკლებულ ქართულ გრამატიკაზე”, ხოლო მისი “მოკლე განხილვა ქართულისა ლიტერატურისა ანუ სიტყვიერებისა”, რომელიც დაიბეჭდა უურნალში “სალიტერატურონი ნაწილი ტფილისის უწყებათანი”, ძველი ქართული ლიტერატურის პერიოდიზაციის პირველი ცდაა.

იგი მუშაობდა საგამომცემლო კომიტეტში და ხელმძღვანელობდა “ტფილისის უწყებანის” ქართულ ენაზე გამოცემას. მისი რედაქტორობით გამოდიოდა ქართული უურნალი “სალიტერატურონი ნაწილი ტფილისის უწყებათანი”, რომელშიც თანამშრომლობდნენ ალექსანდრე ჭავჭავაძე, ალექსანდრე ორბელიანი, გიორგი ერისთავი და სხვა გამოჩენილი ადამიანები. უურნალი, რამდენადაც ეს მოსახერხებელი იყო ნიკოლოზ I-ის დროის უმკაცრესი რეაქციის ხანაში, მიზნად ისახავდა მიღწევადი ლეგალურობის ფარგლებში, აჯანყების წინ საზოგადოებრივი აზრის შემზადებას.

სოლომონ დოდაშვილი ცდილობდა უურნალში გაეშვა სხვა ჩვეულებრივ საუკრნალო ნეიტრალურ მასალასთან ერთად, ისეთი ნაწერებიც, რაც პატრიოტულ სულისკვეთებას გააღვიძებდა. უურნალმა შეპარულად დაიწყო საქმიანობა “საამბოხოდ ერისა”, ქართველი ხალხის აჯანყებისათვის მოსამზადებლად [5].

ცნობილია, რომ 1830-1832 წლებში შეთქმულთა ფარულ ორგანიზაციას ხელმძღვანელობდა სამეული – ალ. ორბელიანი, ელ. ერისთავი და ს. დოდაშვილი. ალსანიშნავია ის ფაქტი, რომ ისინი სამშობლოს განთავისუფლებისათვის ბრძოლაში ერთ პოზიციაზე იდგნენ, მაგრამ განთავისუფლე-

ბული, დამოუკიდებელი საქართველოს მომავლის შესახებ  
მათი თვალსაზრისი სხვადასხვაგვარი იყო.

ფარული საზოგადოების წევრები ხშირად მსჯელობ-  
დნენ “მამულის სიყვარულის” გაგების, დანიშნულებისა და  
მნიშვნელობის, ზოგადად პატრიოტიზმის შესახებ. შეთქმუ-  
ლები ცდილობდნენ, რომ მამულის – სამშობლოს განთავი-  
სუფლების სულისკვეთება დაენერგათ ქართველ ხალხში და  
მისი შეგნება აემაღლებინათ. სოლომონ დოდაშვილს დავა-  
ლებული ჰქონდა მონაფეხბს შორის და პრესაში ექადაგა ამ  
თემაზე. მათლაც მან უურნალში გამოაქვეყნა “მამულის სიყ-  
ვარულის” მოტივებზე დაწერილი მრავალი მასალა.

როგორც ცნობილი მეცნიერი ალ. ხახანაშვილი აღნიშ-  
ნავს [6, გვ. 174], შეთქმულთა პიმნის როლს ასრულებდა სო-  
ლომონ დოდაშვილის ლექსი „მაისი“, რომელიც ქართველ  
ხალხს შეიძრალებული აჯანყებისკენ მოუწოდებდა:

„მაისის თვესა იქნას ძახება,  
გამოხატული ქართველთ უფლება.  
აღვიპყრად ხელთა მახვილი,  
მივცეთ მტერთა შიში ძრიელი...  
განვდევნოთ სოფლით ძალით მოსრულნი,  
ჩვენი მამულის მაოხრებელნი,  
წარვიდნენ აქით, არ იყვნენ აქა.  
ქართველნო, ხართ სადმე თუ არა?“

ფარული საზოგადოების გადაწყვეტილებით, საქარ-  
თველოს ყველა კუთხეში უნდა გავრცელებულიყო ს. დოდაშ-  
ვილის მიერ დაწერილი პროკლამაცია, რომელშიც ნათქვამი  
იყო: “ქვეყნის დაარსებიდან მამულსა ჩვენსა აქვნდა თავისი  
საკუთარი მდგომარეობა, აქვნდა თავისი სჯულნი, თავისი  
სარწმუნოება, თვისი ენა, და თვისი ჩვეულება და ჰყვანდა  
ყოველსა დროსა საკუთარი თავისი ხელმწიფე და არაოდეს  
არ იყო მოკიდებული სხვასა ზედა და და არცა მონა, ვითარ-  
ცა ან არს მამული ჩვენი და ჩვენი ხმა, სახელი, მხნეობა და

მამაცობა წინაპართა ჩვენთა ყოველთვის ჰქუედა და აღავსებდა მსოფლიოსა. მტერი მარადის მოწყლულ იყო და დამხობილ მათგან. ხოლო ან ხედავთ დამხობასა და არარაობასა მამულისა ჩვენისასა, ჰგრძნობთ შეიწროებას ყოვლისა კაცისასა. რაისთვის არს ესრეთ. ნუთუ ჩვენ არ ვართ შვილი მა-მაპაპათა ჩვენთანი, ნუთუ ჩვენ არ ძალგვიძს შენახვა საკუთარისა მამულისა ... მაშ რაისათვის ცოცხალ ვართ” [3, გვ. 95-96]. პროკლამაცია ისე იყო შედგენილი, რომ გამოხატავდა იმ მთავარს, საერთო მიზანს, რომელიც აერთიანებდა კონ-სტიტუციურ-მონარქისტებსა და რესპუბლიკელებს საერთო ბრძოლაში დამპყრობლების წინააღმდეგ.

სოლომონ დოდაშვილი 185 წლის წინ უჭერდა მხარს სა-ქართველოს სახელმწიფოებრივი წყობილების კონსტიტუციურ და რესპუბლიკურ საწყისებზე აგებას. მან ბევრად გაუსწრო თავის თანამედროვეებს პოლიტიკურ აზროვნებაში. მი-სი შეხედულებები ევროპის მოწინავე პროგრესულ-დემოკ-რატიულ იდეებს ეფუძნება.

უნდა აღინიშნოს, რომ იმ პერიოდის ქართული საზოგა-დოებრივ-პოლიტიკური აზრი სახელმწიფო სამართლის სა-კითხებში საკმაოდ წინ იყო წასული და იბრძოდა შედარებით მოწინავე სახელმწიფო წყობილების დასამყარებლად, რომე-ლშიც ჩაბმული იქნებოდნენ მოსახლეობის სხვადასხვა სო-ციალური ფენებიდან არჩეული წარმომადგენლები. თუმცა შეთქმულებს შორის აზრი ორად იყო გაყოფილი — ნაწილის სურვილი იყო კონსტიტუციურ-მონარქიული წყობილების დამყარება, ნაწილს (ოქროპირ და დიმიტრი ბატონიშვილები, სოლომონ დოდაშვილი და სხვ.) კი არ უნდოდა მეფის არჩევა, სურდათ რესპუბლიკური წყობილების დამყარება. მიუხედა-ვად იმისა, რომ შეთქმულთა წრეში ვერ მოხერხდა ეროვნუ-ლი სახელმწიფოებრიობის აღდგენის ერთი მთლიანი პროგ-რამის შემუშავება და ფიგურირებდა როგორც რესპუბლიკუ-რი, ასევე კონსტიტუციურ-მონარქიული იდეები, 1832 წლის

შეთქმულების მნიშვნელობა განუზომლად დიდი აღმოჩნდა [8, გვ. 28]. შეთქმულებს შორის იყო ცხარე მსჯელობა მონარქიის, პარლამენტისა და რესპუბლიკის შესახებ [10. 118].

ყურადსალებია III კატეგორიის "დამნაშავის" ვახტანგ ორბელიანის (1812-1890) ჩვენება. მისთვის დოდაშვილს გადაუცია ოქროპირ ბატონიშვილის ნათქვამი: "საქართველოს განთავისუფლება მე იმიტომ ვი არ მინდა, რომ ბაგრატიონთა გვარიდან ვინმე გამეფდეს, არამედ რომ საქართველო შეიქმნეს რესპუბლიკის მაგვარ სახელმწიფოდ" [3, გვ. 92].

ფარული საზოგადოების წევრთა უმრავლესობა (კონსტიტუციურ-მონარქისტები) აჯანყების ძლევამოსილად დამთავრების შემდეგ ვარაუდობდა საქართველოში კონსტიტუციურ-მონარქიული წყობილების დამყარებას. ფარულ საზოგადოებაში რესპუბლიკური მმართველობის შემოღების სურვილის არსებობა, ცხადია, დიდი სიახლის მაუნყებელი იყო და ქართული საზოგადოებრივ-პოლიტიკური აზრის განვითარების მაღალ საფეხურზე ყოფნას მეტყველებს.

შეთქმულებაში მონაწილეთა პოლიტიკური შეხედულებების შესწავლა იძლევა საშუალებას გამოითქვას ვარაუდი, რომ ქართველ საზოგადოებაში, იმ მომენტისათვის იყო სამი პოლიტიკური მიმართულება: პირველი, პროგრესულ-დემოკრატიული, მასში, თავის მხრივ, გამოიყოფოდა ორი ფრაქცია: კონსტიტუციურ-მონარქიული და რესპუბლიკური. მეორე, მონარქისტული (კონსერვატორული) მიმართულება. მესამე, მერუსეთე მიმართულება. ძირითადად პოლიტიკური მიმართულების შინაარსი განისაზღვრებოდა საქართველოს სახელმწიფოებრიობის აღდგენისა და სახელმწიფოებრივი მოწყობის პრობლემისადმი დამოკიდებულებით [10. 206].

**პროგრესულ-დემოკრატიულ მიმართულებაში,** თავის მხრივ, უნდა მოვიაზროთ ორი ფრაქცია: კონსტიტუციურ-მონარქიული და რესპუბლიკური.

თუ ვიხელმძღვანელებთ რუსული და საბჭოთა ისტორიოგრაფიის მიერ ჩამოყალიბებული სტერეოტიპით: "რუსების მოსვლამდე, ჩამორჩენილი, მიყრუებული კავკასიის ველური ტუზემცები", XIX საუკუნის პირველ მესამედში, ვერ იმსჯელებდნენ კონსტიტუციაზე, რესპუბლიკაზე, დემოკრატიაზე. მაგრამ იმ ფაქტებს ნამდვილად ვერსად გავექცევით,

რომ 1832 წლის შეთქმულების გამოძიების მასალების მიხედვით, ფარულ საზოგადოებას განზრახული ჰქონდა აღდგენილი ქართული სახელმწიფოს კონსტიტუციურ საფუძველზე მოწყობა და, ეს უნდა ყოფილიყო ან საპარლამენტო რესპუბლიკა ან კონსტიტუციური მონარქია. ცარიელ ნიადაგზე კი, ასე ერთი დაკვრით, უცბად ვერ გაჩნდებოდა მაშინდელი ევროპის ყველაზე მოწინავე იდეები. ამ დროს, ქართული პოლიტიკური ელიტა არა მარტო მსჯელობს, არამედ აქცენტსაც კი აკეთებს პრაქტიკაში მათ რეალიზებაზე (ეს კი მომზადების ბევრად უფრო მაღალი დონეა). ერთი რამ ცხადია, აშკარად ჩანს გავლენა იმ მსოფლიო-ისტორიული მნიშვნელობის განმათავისუფლებელი მოძრაობისა, რომელიც დასავლეთ ევროპიდან გავრცელდა, განსაკუთრებით საფრანგეთის დიდი რევოლუციის შემდეგ [10. 125-126].

კიდევ უფრო პროგრესული და მოწინავე იდეები ჰქონდათ **რესპუბლიკელებს**. პროგრესულ-დემოკრატიული პარტიის რესპუბლიკური ფრაქცია სოლომონ დოდაშვილთან აერთიანებს იმ პერიოდის საქართველოს ყველაზე პროგრესული იდეების მატარებელ ადამიანებს. მათი მიზანი იყო ქართული სახელმწიფოებრიობის აღდგენა რესპუბლიკის ფორმით და ქართველი ხალხის მიერ ევროპელ ხალხთა თანატოლი ადგილის დაკავება, როგორც ს. დოდაშვილი წერდა: "ძალგვიძა ჩვენ დაიმედება თავთა თვისთა სასოებითა აღდგომად სწავლითა შინა და დადგომად არა თუ ოდენ ხარისხსა ზედა პირველსა ღირსებისა ჩვენისასა, არამედ ყოფადცა ოდესმე ხარისხსა ზედა ევროპელთა ერთასა" [2, გვ. 51].

დოდაშვილი უპირველეს ამოცანად თვლიდა განათლების გავრცელებასა და ეროვნული გრძნობების გაღვივებას ქართველ ერში. იგი მკაცრად აკრიტიკებდა ქართველი ხალხისათვის დამპყრობლების მიერ თავსმოხვეულ, უცხო კანონმდებლობას და რუსულ მმართველობას. რუსული ცხოვრების წესის ძალად დანერგვის ფონზე, თავგამოდებით იცავდა ქართულ ადათ-წესებს. იგი იყო პიონერი იმ დიდი საქმისა, რაც ქართული უურნალის ფურცლებზე ჩვენი კულტურული თვითმყოფადობისა და ლირსების დაცვაში გამოიხატა.

1832 წლის შეთქმულების ერთ-ერთი გამორჩეული ლიდერი სოლომონ დოდაშვილი, შეთქმულების გაცემის შემდეგ დააპატიმრეს 1832 წლის დეკემბერში და შორეულ ციმბირში (ვიატკაში) გადაასახლეს. როგორც მისი მეგობარი, რუსი რევოლუციონერ-დემოკრატი ა. გერცენი იგონებდა: სოლომონ დოდაშვილმა “ვერ აიტანა მკაცრი ჰავა და საშინელ ჭლექში ჩავარდა, მე ის ვინახულე სიკვდილამდე რამდენიმე დღით ადრე, მას სიცოცხლის ნიშან-წყალი აღარ ჰქონდა...” [27].

ს. დოდაშვილი უდროოდ, 31 წლის ასაკში დაიღუპა რუსული ანექსიონისტურ-კოლონიური რეჟიმის წინააღმდეგ უთანასწორო ბრძოლაში. მას საშუალება არ მიეცა ბოლომდე გამოევლინა თავისი ნიჭი და შემოქმედებითი პოტენციალი.

სამწუხაროა, რომ იგი არ არის დაფასებული ისე, როგორც ამას იგი იმსახურებს.<sup>7</sup> მიუხედავად იმისა, რომ ძალიან ხანმოკლე იყო მისი სიცოცხლე, მან წარუშლელი კვალი და-ამჩნია ქართულ სამეცნიერო და საზოგადოებრივ-პოლიტიკურ ცხოვრებას.

<sup>7</sup> არ შეიძლება უდიდესი მადლიერების გრძნობა არ გამოვხატო ბატონების ელბერდ ბატიაშვილისა და თემურ ბალარჯიშვილისადმი, აგრეთვე ვაჟა ცაბუტაშვილის და სხვა ამ საქმის ხელშემწყობი დიდებული ადამიანებისადმი, რომლებმაც 1994 წელს (ძნელბედობის უამს) რუსეთის შორეული ციმბირის ქალაქ კიროვიდან (ვიატკიდან) გადმოასვენეს სოლომონ დოდაშვილის ნეშტი და დაასაფლავეს მთაწმინდის პანთეონში.

მის უზარმაზარ ნიჭსა და პოტენციალზე მეტყველებს ის ფაქტი, რომ ბატონიშვილი უუფლებობის გაფურჩქვნის ხანაში, მან სოფელში, გლეხის ოჯახში დაბადებულმა თავისი ცოდნით და შრომისმოყვარეობით მოიპოვა ავტორიტეტი პეტერბურგის სამეცნიერო ელიტაში<sup>8</sup> და ავიდა იმ პერიოდის ქართული ინტელექტუალური აზროვნების მწვერვალზე.

ს. დოდაშვილთან იდეურ კავშირშია 32 წლის შეთქმულების დამარცხების შემდეგ სამოღვაწეო ასპარეზზე გამოსული თაობა, რომელიც მისი იდეებით საზრდოობს. მონაფეების (ნიკოლოზ ბარათაშვილი, დავით მაჩაბელი, მიხეილ თუმანიშვილი, კონსტანტინე მამაცაშვილი, ლუკა ისარლიშვილი და სხვ.) თაოსნობით გამოსულ უურნალ "გიმნაზიის ყვავილში" დაიბეჭდა ს. დოდაშვილის ორი ნაწარმოები (ერეკლე მეორის მეფობა, 3, 1835 წ. და ქართული ლიტერატურის მიმოხილვა, 5, 1836 წ.).

იმ დროს დამყარებული რეჟიმისა და საზოგადოებაში "ქართველთა დიდი მარცხით" გამოწვეული ერთგვარი დეპრესიის პერიოდში "მათი მოთავსება გიმნაზიის უურნალში ნათლად მოწმობს იდეურ სოლიდარობას მადლიერ მონაფეობასა და ლირსეულ ნამასწავლებლარს შორის... დოდაშვილის ამაგს უქმად არ ჩაუვლია: ახალგაზრდობა ეხმაურება მის მამულიშვილურ აზრ-გრძნობებს, საზრდოობს მისი ნაკალმარით, მისი იდეებით აღგზნებული აპირებს ცხოვრების ასპარეზზე გამოსვლას" [4, გვ. 48-49].

<sup>8</sup> პეტერბურგში მისი ხანმოკლე გაელვების პერიოდში, მის მიერ გამოცემული ერთადერთი ნამრობით (სოლომონ დოდაევ-მაგარსკი. ლოგიკა ფილოსოფიის კურსი. სანკტპეტერბურგი, 1827), იგი ცნობილ ბრიკპაუზისა და ეფრონის ენციკლოპედიურ ლექსიკონშიც კი შევიდა (სხვათაშორის, ფსევდონიმად თავისი სოფლის სახელი მაღარო გამოიყენა). რომ არა მისი ნაადრევი სიკვდილი, ალბათ განუზომელი იქნებოდა მისი წვლილი ქართულ ფილოსოფიურ მეცნიერებაში.

სოლომონ დოდაშვილი ღირსეული წინამორბედია ეროვნულ-განმათავისუფლებელი მოძრაობის იმ თაობისა, რომელსაც სათავეში ილია ჭავჭავაძე ედგა. ამის დასტურია ილიას ცნობილი სიტყვები 1876 წელს გაზით “დროების” ათი წლისთავზე „...დროშა კი მემკვიდრეობით გვაქვს გადმოცე-მული განსვენებულის დოდაევისგან...“. საქართველოს ის-ტორიაში იგი შევიდა, როგორც უდიდესი პროგრესული მოღვაწე, ეროვნულ-განმათავისუფლებელი მოძრაობის ინტე-ლექტუალური, პროგრესულ-დემოკრატიული მიმართულე-ბის ფუძემდებელი და ქვეყნის ევროპეიზაციის იდეების მა-ტარებელი.

## მამულის სიყვარულის მასშავლებელი გმირი ბერი

XIX საუკუნის მოაზროვნეთა შორის ყურადღებას იმსახურებს 1832 წლის შეთქმულების ერთ-ერთი იდეოლოგი, ბერი ფილადელფოს კიკნაძე (1793-1833).

ფარული საზოგადოების ერთ-ერთი გამოჩენილი მოღვაწე (შემდგომში გამოიხიბის მიერ მეოთხე კატეგორიის „დამნაშავედ“ აღიარებული) ფილადელფოს კიკნაძე ცდილობდა ეპოვა პასუხი ქართველთა ნინაშე წამოჭრილ საჭირბოროტო კითხვაზე, - „როგორ შეუძლია საქართველოს დაპყრობად თავისა თვისისა?“ [16, გვ. 939], ანუ ეყუდნეს „თავისა თვისისა“, „თავისა თვისისა“ პყრობა, დამოუკიდებელი არსებობა. ფ. კიკნაძის ამ სიტყვების („თავისა თვისისა“) შორეულ ექს მიაგავდა XIX საუკუნის 60-იან წლებში ილიას მიერ მოხევის პირით წამოყენებული ლოზუნგი – „ჩვენი თავი ჩვენადმე გვეყუდნეს“.

განსაკუთებული აღნიშვნის ღირსია მის მიერ დაწერილი ნაშრომი „სიყვარული მამულისა“. ცნობილი მკვლევარი ზურაბ კიკნაძე თავის ანალიტიკურ სტატიაში „მამული, ენა, სარწმუნოება“, [15] თვლის, რომ არა კონსპირაცია, ეს ნაშრომი გამოქვეყნების შემთხვევაში (პრესა რომ არსებულიყო) უთუოდ მოახდენდა დიდ ზეგავლენას ფართო საზოგადოების შეგნებაზე, თუმცა ის თავის ფუნქციას მაინც ასრულებდა, რადგანაც მასში გატარებული იდეები დაბეჭდვის გარეშეც ტრიალებდა ელიტურ წრეში, რომელსაც საზოგადოებრივი აზრის შექმნა ევალებოდა.

ფილადელფოს კიკნაძემ ამ ფრაქტატში პირველმა მოგვცა მამულის ცნების მეცნიერული განსაზღვრება, რაც ამ კუთხით XIX საუკუნეში არავის უცდია — არც გრიგოლ და ვახტანგ ორბელიანებს, არც შემდგომ ილია ჭავჭავა-

ძეს, რომლებიც ეხებოდნენ ამ თემას, მაგრამ იგი მათთან ემოციურ სფეროს არ გასცილებია. ფ. კიკნაძემ განსაზღვრა მამულის ცნება და ამ განსაზღვრებით სინთეზში მოიყვანა მამულის კლასიკური და ის გაგება, რომელიც სამომავლოდ უნდა დამკვიდრებულიყო ქართულ პოლიტიკურ აზროვნებაში – აღნიშნავს ზ. კიკნაძე.

ფ. კიკნაძე განსაზღვრავს რა ცნება „სამშობლოს“, მასში გამოჰყოფს სამ ძირითად შემადგენელ ნაწილს. ესენია: 1. წინაპრების მიერ დატოვებული მიწა-წყალი; 2. ერი, რომელსაც ვეკუთვნით და 3. ამ ერის რჯული და ადათ-წესები. სამშობლოს სიყვარულში იგი უღლისხმობს თავგანწირვასაც. ფილადელფოსი ვრცლად მსჯელობს იმაზე, რომ სამშობლოს სიყვარული ბუნებრივი გრძნობაა, რომელიც უანგარო უნდა იყოს, ამავე დროს მამულზე ზრუნვა ადამიანის პირად ინტერესებშიც შედის

ფილადელფოსის მიხედვით, პირველ ყოვლისა, მამულის განმსაზღვრელია საერთო ნება და საერთო მიზანი: „ერთი რომელიმე საზოგადოება, შემაერთებელი ნებათა თვისითა ერთსა ზედა კეთილსა წადიერებასა, იწოდებისა ერთად მამულად“. მისთვის, როგორც სასულიერო პირისთვის, ჯერ არსებობს უზენაესი მამული, რომელსაც „მოუპოვებთ თავთა ჩუენთა ჭეშმარიტსა მას მამულსა ზეციურსა და ამას ზედა უმეტეს ყოველთასა შეკრულ არს კაცი ერთგულებად და რათა გვაქვნდეს ჩუენ სული მარადის განმზადებულ თავდადებად მას ზედა, რათა არა მიგვიღოს ჩუენ იგი მტერმან უხილავმან ან ხილულთა ძალთამან“.

ფ. კიკნაძე იყენებს იმ ქრისტიანულ დებულებას, რომელსაც ვხვდებით წმიდა მამათა მამულის განსაზღვრისას: „ესე წმიდა მამა ჩუენი გიორგი ნათესავით ქართველი, ხოლო ვინაქთგან ღმრთისმსახურებისა საიდუმლოსა შინა ერთი მამული პატივცემულ არს, რომელ არს სამოთხე, პირველისა მის მამისა ჩუენისა საყოფელი...“ (გიორგი მცირე). ეს არის,

როგორც ფილადელფოს კიკნაძე გამოთქვამს, „ჭეშმარიტი მამული იგი ზეციერი“, რომელიც ყოველმა ქრისტიანმა უნდა მოუპოვოს თავის თავს. მაგრამ არსებობს „ქვეყნიერი მამული“, რომელიც მიღებულია მემკვიდრეობად ქვეყნიერი მამისგან, და არსებობს მამული, რომელიც მოპოვებულია უშუალო წინაპრისგან — კერძო მამული.

ამრიგად, ადამიანი მემკვიდრეა ორი მამულისა — ზეციერისა და ქვეყნიერისა, და ქვეყნიერიც ორად განიყოფის. და არ არსებობს მათ შორის წინააღმდეგობა. მამულის ცნება იწყება ზეციური მამულიდან და მთავრდება გლეხიკაცის მამულით, რომლისადმი ერთგულებაც იმავე რჯულს ეფუძნება: „გლეხნი კაცნი ერთისთვის გლახაკისა ქოხისა თვისისა და ორთათვის საჟენთა მიწათა თვისათა ესოდენსა აჩუენებენ ერთგულებასა ანუ რათა განიმნარონ მათ ყოველი თვისი სიცოცხლე ზრუნვისათვის მისისა...“ გლეხიკაცის თავისი მამულისადმი მამოძრავებელი ეთოსი ამოძრავებს თავადსაც და, საბოლოოდ, მეფეს (ბერი ფილადელფოს მონარქისტია), რომელიც „ზეციურთაგან ძალთა და სიბრძნეთა შემძლებელ არს კეთილად დაცუად საზოგადოებითისა მშვიდობისა და ბედნიერებისა ჩუენისა“.

მამულის განცდის პირველი საფეხურია საკუთარი ქოხის განცდა, როგორც საყრდენი მამულის ერთგულებისა, რადგან „სიყვარული მამულის უვრცელეს არს, ვიდრე სიყვარული თავისა თვისისა“, ის მოიცავს და გულისხმობს საკუთარ თავს და კერძო მამულსაც. მაგრამ მამულისთვის ქოხის პატრონი მსხვერპლად სწირავს თავის ქოხსაც და საკუთარ თავსაც. ყოველი დონის მამულისადმი ერთგულების ეთოსი რელიგიურია თავისი არსებით; მისი შინაარსი მსხვერპლის უანგარო გაღებაა: „ჭეშმარიტი ერთგულება მამულისა არს მხოლოდ თვინიერ ყოვლისა სარგებლის მოლოდებისა შეწირვად მამულისად და საზოგადოებისადმი თვისი ყოველი

სიცოცხლე“. მსხვერპლად შენირულობა მხოლოდ და მხოლოდ სიყვარულისთვის იმის მიმართ, რომლის სიტყვამაც შეადგინა სიტყვა „მამული“. ქრისტიანობა იმ ზეციური მამის სიყვარულია, რომელიც აფუძნებს ყოველ მამობას და, ერგო, მამულს დედამიწაზე.

ფილადელფოს კიკნაძე მამულს მისდამი ადამიანის დამკიდებულებით განსაზღვრავს: მამული ისეთი რეალობაა, რაც ადამიანისგან მსხვერპლს მოითხოვს. და ბოლოს, მოვუსმინოთ ისევ მას: „ერთგულება მამულისა არს სიყვარულისა მიერ მისისა მარადის ტყვე-ყოფა გულისა კაცისა. რათამცა კაცი რაცხდეს მარადის თავსა თვისსა საკმეველად, დასაწველად ცეცხლსა ზედა სიყვარულისასა...“ თუ ვინმეს მამულიშვილთაგან ეს რელიგიური ეთოსი ამოძრავებდა XIX ს-ში, ეს ილია ჭავჭავაძე იყო თავისი „პოეტის“ პროგრამული სიტყვებით: „დიდის ღმერთის საკურთხევლის მისთვის ღვივის ცეცხლი გულში...“.

„სიყვარული მამულისა“ დაუმთავრებელია, მაგრამ მაინც სრულად წარმოგვისახავს ავტორის შეხედულებებს სამშობლოს წინაშე ადამიანის მოვალეობის შესახებ.

ფილადელფოსის აზრით, სამშობლოს სიყვარული საჭიროა განსაკუთრებით ახლა, როცა დამპყრობლებმა საქართველო თითქმის დაღუპვის პირას მიიყვანეს.

ფილადელფოსი უაღრესად განათლებული კაცი გახლდათ. გარდა თხზულებისა - „სიყვარული მამულისა“, დაწერილი ჰქონდა უამრავი ნაშრომი, რომელთაგან ძალიან ცოტამ მოაღწია ჩვენამდე. ესენია: „აკტი გონიური“, ლირიკული ლექსები და სხვ. მაგალითად, „გოდებანი“ ეძღვება თანამედროვე იბერიას. ნაწარმოების ძირითადი მოტივია ურვა და გლოვა რუსი დამპყრობლების ძალმომრეობის შედეგად შექმნილი სამშობლოს მძიმე მდგომარეობის გამო.

ამ პიროვნების განსწვლულობისა და მრვალმხრივი ნიჭის შესახებ ჟურნალ ცისკარში, 1861 წელს წერდა მეცხრამე-

ტე საუკუნის ცნობილი საზოგადო მოღვაწე ივანე კერესელიძე: იგი ყოფილა “საქვირველი ნიჭიერი, მოლექსე და ხელოვანი, ასე, რომ, რას არ მოიგონებდა მექანიკურს და რას არ გააკეთებდა. მე ვნახე იმისგან მარმარილოს ქვაზე ამოჭრილი მზის საათი ქართულის რიცხვებით..”. ი. კერესელიძეს კახეთში მოგზაურობისას უნახავს თურდოს ხეობის პირას შიო მღვიმის სახელობის ეკლესია და მის კედელზე მამა ფილადელფოსის წარწერა: „საქართველომ სთუა მეც ვიყავ, დრო მქონდა კეთილმყოფელი ვადიდნე ჩემნი მოსავნი, ვტანჯნი უარისმყოფელი ვყვაოდი სამოთხის გვარად, არ ვიყავ გასაყოფელი (და) ვინც ახლა ნახოთ, გასინჯეთ რა ამაოა სოფელი! ნეტაი დროსა რომელსა იყავ შენ აღშენებული აღვსილი მადლის წყაროთი და სიბრძნით განათლებული შემკული ყოვლის წესითა და ესრეთ გაბრწყინებული ვინ არ გიტიროს, რა გნახოს ან ასე გაცუდებული!...” საქართველოს გავერანებული ეკლესია-მონასტრების შემყურე იგი ასე განიცდიდა არსებულ მდგომარეობას.

უნდა აღინიშნოს ფილადელფოსის სამასწავლებლო საქმიანობაც. როგორც ჩანს, ბერი კარგ პედაგოგად და აღმზრდელად ითვლებოდა, რადგან ბევრი დიდგვაროვანი სთხოვდა და აბარებდა შვილს აღსაზრდელად. მაგალითად, მწერალი რ. ერისთავი გაიზარდა ფილადელფოსის ხელში და როგორც თვითონ აღნიშნავს, ბერმა მას ბევრი ასწავლა რელიგიის და საერთოდ ცხოვრების შესახებ.

ცნობილია, რომ 1828 წელს საქართველოში დაბრუნების შემდეგ ფილადელფოსი აქტიურად ჩაეხა შეთქმულების საქმიანობაში. მან შეადგინა შეთქმულების წესდება. შეთქმულთა მიმოწერისათვის შექმნა საიდუმლო ანბანი, რისთვისაც გამოიყენა ძველი ქართული დამწერლობა, ნაწილობრივ კი — ლათინური ანბანი.

დიდ ინტერეს ინვევს ფარული საზოგადოების მაღალ პროფესიულ დონეზე შედგენილი წესდება. ფ. კიკნაძეს და ს.

დოდაშვილს აღმოუჩინეს თითო ცალი ფარული საზოგადოების წესდებისა, რომელიც “აკტი გონიურის” სახელით არის ცნობილი და რომელსაც საფუძვლად დაედო ფ. კიკნაძის შედგენილი ფიცი. მას ფარული საზოგადოების ისტორიაში განსაკუთრებული მნიშვნელობა ენიჭება. 1830 წელს დაწერილი ამ წესდების ავტორია ფ. კიკნაძე. წესდებაში ცვლილებები შეუტანიათ 1832 წელს.

“აკტი გონიური” მოგვაგონებს, თანამედროვე გაგებით, პარტიის ჩვეულებრივ წესდებას. წესდებაში ჩამოყალიბებული იყო ორგანიზაციის მიზანდასახულობა, შეთქმულთა შორის დამოკიდებულების ნორმები, საიდუმლოების დაცვის ხერხი და სხვა. იგი განსაზღვრავდა საზოგადოების (პარტიის) წევრად მიღების პირობებს, წევრთა უფლებასა და მოვალეობას. საზოგადების წევრები ფიცს დებდნენ წესდების შესრულების ერთგულებაზე. „აკტი გონიური“, რომელიც ხელთ ჰქონდა ფარული საზოგადოების თითქმის ყველა წევრს, თავისი შინაარსით წარმოადგენდა წინასწარ გაანგარიშებული, მაქსიმალურად მიზანშეწონილი პრაქტიკული მოქმედების სანიმუშო წესდებას. ამ დოკუმენტში მთელი სიმძიმე გადატანილი იყო შეთქმულთა ყოველი კონკრეტული ნაბიჯის უაღრესად რაციონალურ ხასიათზე („ყოველი წევრი უნდა ეძიებდეს შეძინებად წევრთა გონიერებით“ და ა.შ.). „აკტი გონიურში“ ჩამოყალიბებულია შეთქმულთა ურთიერთობებისა და ვალდებულებების პრინციპები.

უნდა აღინიშნოს, რომ წესდება დიდ ყურადღებას უთმობდა საზოგადოების წევრების მხრიდან საიდუმლოების დაცვას და ურთიერთერთგულებას. შეთქმულების ახალ წევრს შეიძლება სცოდნოდა მხოლოდ ის პირი, რომელმაც იგი ორგანიზაციაში ჩააბა. „აკტის“ მერვე მუხლში აღნიშნულია, რომ ”მტკუცედ უნდა იცოდეს ყოველმან წევრმან დაცვად საიდუმლოისა, რათა არავის განუცხადოს სხვასა, გარდა მისსა, რომელსაც მიიყვანს წევრად“.

საიდუმლოების მკაცრად დაცვის შედეგი იყო ის, რომ შეთქმულთა მარცხის შემდეგ ბევრი რამ გამოძიებისათვის (და მკვლევართათვისაც) უცნობი დარჩა. წესდების IX მუხლი აფრთხილებდა წევრებს, რომ შეთქმულთა რიგებში არ შეპარულიყვნენ საეჭვო პირები და გაუნათლებელი ელემენტები.

„აკტში“ ფილადელფოსი მოუწოდებდა შეთქმულებს, ყოფილიყვნენ ზნეობრივნი, პატიოსანნი, სამართლიანნი, ჰყვარებოდათ ერთმანეთი, რადგან მტკიცედ სწამდა: „სადაც არს სიყვარული, მუნ აღსპობილ არს ყოველივე ბოროტი“.

საინტერესო მის მიერ დაწერილი პროკლამაცია: ეხლა, მანამ რუსებს საქართველოში ჯერ ფეხი არა აქვთ გამაგრებული, ეხლა უნდა დავესხათ თავს და გავრეკოთ აქედამ, თორემ თუ ამათ აქ ფეხი გაიმაგრეს, მაშინ მათი გაძევება ჩვენი მომავალი თაობისთვის ძნელი იქნება. ამიტომ ჩვენც გასაკიცხნი ვიქნებით მათგან. ეხლა უნდა გათავდეს საქმე და ესენი უნდა გაძევებულ იქნენ აუცილებლად საქართველოდან.

შეთქმულების გაცემის შემდეგ ფილადელფოსიც დაიჭირეს. იგი შუამთის მონასტერში მოღვაწეობდა. მთავარმართებელმა გრიგორი როზენმა (1831—1837) გენერალ რუეტს უბრძანა, მონასტრის ყველა კუთხე-კუნძული გაეჩირკათ, ხოლო ფილადელფოს კიკნაძე თბილისში ჩამოეყვანათ. როგორც ქვათახევის მონასტრის ერთ-ერთი ბერი მოგვითხოვს, გაზაფხულზე 60 ყაზახი და 120 სალდათი შემოერტყა შუამთის ტაძრის გალავანს. სამხედრო ნაწილებს თან ახლდა საქართველოს ეგზარქოსი მოსეც.

საქართველოს სიყვარულისათვის ფილადელფოს კიპნაძეს ამ ერთმორწმუნე ეგზარქოსმა ჯვარი ააგლიჯა, მაგრამ ფილადელფოსმა ჯვარი უკან გამოსტაცა. მაშინ იგი მაგრად შებოჭეს თოკით, ბორკილები გაუყარეს, წელსა და ყელზე თოკი გამოაბეს, თოკის ბოლო ცხენზე მჯდარ ყაზახს მისცეს და ასე გაუყენეს თბილისის გზას შუამთიდან.

ფილადელფოს კიკნაძე მრავალი დღე მოჰყავდათ ქვეითად, თან შეიარაღებული ყაზახები მოსდევდნენ. თბილისში იგი ჯერ ავლაპრის ყაზარმაში მოათავსეს. თუმცა საშინელი ნაწამები და ნაცემ-ნაგვემი იყო, მან ყაზარმაში მყოფი შეთქმულების ყველა მონაწილე მოინახულა, დაარიგა, ისინი თუ დაკითხვაზე როგორ ელაპარაკათ. ეს რომ გაიგეს, სასწრაფოდ სხვაგან გადაიყვანეს. ფილადელფოსი საპატიმროში უაღრესად მძიმე პირობებში ჰყავდათ. მაგრამ მან პოლომდე გაუძლო ტანჯვა-წამებას და თავისი პრინციპებისთვის არ უდალატია. რვა თვის პატიმრობის შემდეგ, 40 წლის ასაკში, ფილადელფოს კიკნაძე სატუსალოში გარდაიცვალა 1833 წლის 5 სექტემბერს.

## **გამოყენებული ლიტერატურა:**

1. ბენდიანიშვილი ა. ეროვნული საკითხი საქართველოში 1801-1921 წწ., გამომც. „მეცნიერება”, თბ., 1980.
2. ბერძენიშვილი მ. მასალები XIX საუკუნის პირველი ნახევრის ქართული საზოგადოებრიობის ისტორიისათვის. გამომც. „მეცნიერება”, თბ., 1980.
3. გოზალიშვილი გ. 1832 წლის შეთქმულება. სახ. უნივერსიტეტის გამ-ბა, ტფ., 1935.
4. გოზალიშვილი გ. 1832 წლის შეთქმულება. ტ. 2, მერანი, თბ., 1970.
5. გოცაძე მ. ქართული ჟურნალისტიკის ისტორია. თბ., 1954, გვ. 182, 198.
6. ებანოძე ლ. ნიკოლოზ ბარათაშვილი და ეროვნულ-განმათავისუფლებელი მოძრაობის ზოგიერთი საკითხი საქართველოში. გამომც. „ნაკადული”, თბ., 1968.
7. ვაჩნაძე მ., გურული ვ. რუსეთთან ერთად და ურუსეთოდ. თბ., 2007.
8. კვესელავა ი. საქართველოს ეროვნული მოძრაობის ისტორიის ზოგიერთი საკითხი. გამომც. „სამშობლო”, თბ., 1999.
9. კუპრაშვილი ჰ. რუსეთის კოლონიური პოლიტიკა და ქართული საზოგადოებრივ-პოლიტიკური აზრი XIX საუკუნის პირველ ნახევარში. საგამომცემლო სახლი „ტექნიკური უნივერსიტეტი“, თბ., 2011. ISBN 978-9941-14-978-8
10. კუპრაშვილი ჰ. „დიდი რუსიანობა“ საქართველოში. XIX საუკუნის პირველი ნახევარი. გამომცემლობა „უნივერსალი“, თბ., 2011. ISBN 978-9941-17-381-3
11. კუპრაშვილი ჰ. ეროვნული მეობისა და იერსახის შესანარჩუნებლად, რუსეთის პოლიტიკა საქართველოში და ქართველი ინტელიგენცია XIX საუკუნის 40-50-იან წლებში. გაზ. „საქართველოს რესპუბლიკა“, №6, 1992 წლის 15 იანვარი.
12. კუპრაშვილი ჰ. ჩვენი პოლიტიკის ზოგიერთი მომენტის შესახებ. თბ., 1997, გვ. 51.
13. კუპრაშვილი ჰ. ეროვნულ-განმათავისუფლებელი მოძრაობის გნოსეოლოგიური ასპექტები. გამომც. „საზოგადოება ცოდნა“, თბ., 1999.
14. რევზიაშვილი მ. იმერეთის სამეფო, 1462-1810. თსუ-ს გამომც. თბ., 1989.

15. საქართველო ათასწლეულთა გასაყარზე. მთ. რედ ზ. კიკნაძე. თბ., არეტე, 2005. ISBN: 99940-810-8-X  
[http://lib.ge/body\\_text.php?9182](http://lib.ge/body_text.php?9182)
16. საქართველოს ისტორიის ნარკვევები. გამომც. „საბჭოთა საქართველო“. თბ., ტ. IV, 1973.
17. სურგულაძე მ. ალექსანდრე ერეკლეს ძე. <http://qim.ge/al%20-batonishvili%20erekle%201.html>
18. ტაბალუა ი. წერილი რედაქციას. გაზ. „სახალხო განთლება“, 1990 წლის 26 აპრილი.
19. ჭიჭინაძე ზ. საქართველოს მოსპობა და ქართველი ერის გარუსება და ამის შესახებ ისტორიკოსის პლატონ იოსელიანის ნინასწარმეტყველება. ზ. ჭიჭინაძის გამოც., ტფილისი, 1919.
20. ხანთაძე შ. მასალები ალექსანდრე ბატონიშვილის ბიოგრაფიისათვის. ს. ჯანაშიას სახ. საქართველოს სახელმწიფო მუზეუმის მოამბე, XXII-B, თბ., 1961, გვ. 241-245.
21. ხორავა ბ. კავკასიის ომი და აფხაზეთი. <http://burusi.wordpress.com/2010/03/06/bejan-khorava-3/>
22. Allen W. A history of the Georgian people. London, 1932.
23. Акты, собранные Кавказской археографической комиссией. Издание Архива Главного управления наместника кавказского. Под ред. А. П. Берже, Тифлис, т. II.
24. Акты, собранные Кавказской археографической комиссией. Издание Архива Главного управления наместника кавказского. Под ред. А. П. Берже, Тифлис, т. III.
25. Акты, собранные Кавказской археографической комиссией. Издание Архива Главного управления наместника кавказского. Под ред. А. П. Берже, Тифлис, т. V.
26. Акты, собранные Кавказской археографической комиссией. Издание Архива Главного управления наместника кавказского. Под ред. А. П. Берже, Тифлис, т. VI.
27. Герцен А.И. Полное собранное сочинение и писем. Т. Ш, с.19.
28. Джавахахов И. Политическое и социальное движение в Грузии в XIX в. СПб., 1906, с. 10.
29. Хорава Б. Абхазия в 1810-1820 годах. იხ., Абхазия с древнейших времен до наших дней. Очерки из истории Грузии. Ред. Коллегия: Дж.Гамахария, Т.Берадзе, Т.Гванцеладзе, изд., «Интелекти», Тбилиси, 2009.
30. Щербатов А. Генерал-фельдмаршал княз Паскевич-Эриванский, т. III, СПБ., 1891, с. 229-230.
31. უორდრობი თ. საქართველოს სამეფო. ინგლისურიდან თარგმნა მ.ურუშაძემ. თბ., 2001.

32. ითონიშვილი ვ. რუსიანობა (რუსობა). ქ. “საერთაშორისო ასოციაციის “კავკასია: ეთნიკური ურთიერთობები, ადამიანის უფლებები, გეოპოლიტიკა” წელიწდეული - 2001, 2002”, თბილისი, 2003.
33. თევზაძე გ. სოლომონ დოდაშვილი. გამომც. “დიოგენე”, თბ., 2005. ISBN 99940-16-87-3 სერია:მოზროვნე
34. სურგულაძემ მ./სოლომონ II 1772-1815 ნნ./ქართველი ისტორიული მოღვაწეები <http://qim.ge/solomon%20II.html>
35. Акты, собранные Кавказской археографической комиссией. Издание Архива Главного управления наместника кавказского. Под ред. А. П. Берже, Тифлис, т. I.
36. Маркова О.П. Восстание в Кахетии, 1812 г. Издательство Академии наук СССР. М., 1951.
37. Джавахишвили Н. Г. Грузины под российским флагом. Изд. ТГУ, Тбилиси, 2003, с. 10.
38. Шишков, Александр Ардalionович. //Большая биографическая энциклопедия. [http://dic.academic.ru/dic.nsf/enc\\_biography/119838/Шишков](http://dic.academic.ru/dic.nsf/enc_biography/119838/Шишков) Шишков А. А.: биобиблиографическая справка [http://az.lib.ru/s\\_shishkov\\_aleksandr\\_ardalionovich/text\\_0050.shtml](http://az.lib.ru/s_shishkov_aleksandr_ardalionovich/text_0050.shtml)
39. Грибоедов А. С. Полн. Собр. Соч., т. 3, Птг., 1917, с. 34.
40. Baddeley J. The Russian conquest in Caucasus. London, 1908.



გამომცემლობა „უნივერსალი“

---

თბილისი, 0179, ი. ჭავჭავაძის გამზ. 19, ტელ: 2 22 36 09, 5(99) 17 22 30

E-mail: universal@internet.ge

ჰენრი კუპრაშვილი - ისტორიკოსი, უურნალისტი, პოლიტოლოგი. პოლიტიკის მეცნიერებათა დოქტორი, საქართველოს ტექნიკური უნივერსიტეტის სრული პროფესორი. გადამდგარი პირველი კლასის სახელმწიფო მრჩევლი. ვიცე-პოლკოვნიკი. ომის ვეტერანი. მოცურავე...

არის ავტორი 80-მდე სამეცნიერო შრომის, პრესაში გამოქვეყნებული 400-ზე მეტი სტატიის, ინტერვიუსა და საერთაშორისო სამეცნიერო კონფერენციაზე გაეთხებული 42 მოხსენებისა.

დაცული დისერტაციები: საკანდიდატო – “საქართველოს გეოპოლიტიკური სტატუსი და პრიორიტეტები საგარეო პოლიტიკაში” (1999) და სადოკტორო – «საინფორმაციო პოლიტიკა პოლიტიკური მოდერნიზაციის პროცესში» (2003).

მიღებული სერთიფიციატები: ჯორჯ მარშალის ევროპული ცენტრის უმაღლესი სახელისუფლო კურსი (CISS Class: 00-2, 2000); საქართველოს ეკონომიკური უშიშროების პოლიტიკის ფორმირება (უშიშროების მოდელირების სინთეზური გარემო) – აშშ-ის ევროპის შტატისადათავდაცვისა ანალიზის ინსტიტუტი (2000) და სხვ.

სამსახურებრივი კარიერა – 1968 წლიდან მუშაობდა სხვადასხვა თანამდებობებზე: საქართველოს პოლიტექნიკური ინსტიტუტში, საქართველოს სახალხო ფრონტში, მინისტროւთა კაბინეტში, საქართველოს სახელმწიფოს მეთაურის აპარატში, საქართველოს ეროვნული უშიშროების საბჭოში, სახელისუფლებო სპეციალური კავშირებისა და ინფორმაციის სააგენტოში.

იგი საქართველოს სახელმწიფოს წარმომადგენელი იყო დს-თ ს წევრი სახელმწიფოების ინფორმატიზაციის საკორდინაციო საბჭოში (1996-2001).

მისი ხელმძღვანელობით საქართველოს ეროვნული უშიშროების საბჭოს აპარატში შეიქმნა სტრატეგიული ანალიზისა და მოდელირების ინფორმაციული უზრუნველყოფას ინსტემუტის დამფუძნებლი პროცესში; პოლიტიკური პროცესების პოლიტომეტრიკული მეთოდით ანალიზის კომპიუტრული პროგრამა «აისი» და სხვ.

იგი არის: 1973 წელს შექმნილი «დავით ალმაშენებლის ჩოხესანთა კავშირის – ჩოხესანები-1973»-ისა და 1990 წელს შექმნილი საქართველოს ზღვისპირეთის დამცველთა ასოციაცია «აიეტის» დამარსებელი და თავმჯდომარე; საქართველოს ცურვის ეროვნულ სახეობათა ფედერაციის პრეზიდენტი; უურნალისტთა ფედერაციისა და სპორტსაზოგადოება „დინამოს“ წევრი.

მსოფლიო მასშედის მიერ მისთვის შერქმეული თიკუნები: ადამიანი დელფინი (ტ/კ სიენ-ენ 17.02.01, 05.11.02), დარდანელის გმირი, წყლის პრომეტე და სხვ., მიღია მას შემდეგ, რაც მსოფლიოში პირველი, ქართული სამხედრო-სანრთვენელი წესით, ანუ ოთხან ხელფეხებული კოლეგიაში პირველი 2002 წლის 30 აგვისტოს გადაცურა დარდანელის სრუტე ევროპიდან აზიაში - 12 კმ.

მან თავი გამოიჩინა, როგორც მწვრთნელმაც, მისმა მომზადებულმა S11 კატეგორიის მოცურავე ნიკა თვაურმა მსოფლიო ჩემპიონატზე (ქ. ალანია, თურქეთი, 04.04.2011) ბრასით სტილით ცურვაში მოიპოვა ბრინჯაოს მედალი, ხოლო 11 წლის ჯიმიკო ბროძელმა „ხელფეხებული კოლეგია“ (ცურვის სამხედრო-სანრთვენელი სტილი) გადაცურა თბილისის ზღვაზე.

2003 წელს საქართველოს პრეზიდენტის განკარგულებით მიენიჭა პირველი კლასის სახელმწიფო მრჩევლის საკლასო ჩინი. იყო გამარჯვებული გაზეთ «ახალი ეპოქის» ნომინაციაში – „წლის ადამიანი – 2002“. მიღებული აქვს: ვახტანგ გორგასლის II ხარსხის ორდენი და მედალი «მხედრული მამაცობისათვის», ბაირონის საერთაშორისო საზოგადოების ბაირონის ოქროს მედალი.

ISBN 978-9941-17-569-5



9 7 8 9 9 4 1 1 7 5 6 9 5



3.00